

KRISTE O TSEBAGATŠWA GO SWANA KA GO MELOKO YOHLE

 Le ka dula. Ka nnete ke tšea wo go ba monyetla wo mobotse, go ba mo bošegong bjo. Bokgole bjo ke tsebago, le ke lekga la rena la mathomo re kilego ra ba ka—ka Tampa bakeng sa kopano. Ka mehla ke lebeletše ka tetelo ye kgolo ya go tla mo go le etela. Lefelo la go ratega bjalo, le batho ba bakaone kudu bao re... ge re kopana le bona mo mokgotheng. Gomme re na le... Ka mehla ke be ke gopola gore go tla ba le kopano ye kaone mo. Gomme kafao re kwešišitše e se kgale gore re be re etla fa, kafao re be re rapela le go letela monyetla wo mobotse wo. Mafelelong o fihlile.

² Bjale ga re, re ka se be fa bottelele kudu, feela mašego a mane le Lamorena morago ga sekgalela. Gomme re leka go bea pele matsapa a mangwe le a mangwe re ka kgonago, go—go godiša Jesu Kriste le go thuša go iša pele Mmušo wa Gagwe; re tshepa gore ge re tloga, gore—gore yo mongwe le yo mongwe o tla amogela go holega, kereke ye nngwe le ye nngwe yeo e tšeago karolo. Gomme e sego yeo feela, eupša dikerekē tšohle go kgabola naga di tla holega ka go dula ga rena.

³ Gomme ke na le nnete re tla holega ka go le etela, le go bolela le lena, le go le rerela, le go rapela le lena. Gomme re mo go bona gore re ka kgonago phološetše disoulo tše kae ka Mmušong wa Modimo, gomme ka gona gape go rapelela batho ba go babja ba babjago le go hloka.

⁴ Ga re leke go tšea lefelo la ngaka, bjale, gobane ga se rena ngaka. Re—re no tteleima go rapelela molwetši wa gagwe, gore Modimo o tla bo fodiša. Gomme kafao ke na le nnete o tla leboga seo. Gomme kafao bjale ya rena—ya rena...

⁵ Se re lekago go se dira ka go masolo a ke go phagamiša Jesu Kriste. Gomme yeo ke, ke ne kgonthe, nka se kgopiše e ka ba mang wa lena ge re leka go phagamiša Jesu Kriste, ka gore seo ke se re lego fa ka sona.

⁶ Bjale, Mokriste yo mongwe le yo mongwe, modumedi yo mongwe le yo mongwe o hlologetše go Mmona, go ba le tsela ye nngwe go kgokagana le Yena, le go hwetša bontši bja Gagwe, go Mo dumela bontši. Gomme seo ke se re lego fa go se dira, mmogo, go bona ge eba re ka se kgone go goga mmogo le go dumela Mangwalo bakeng sa morero woo.

⁷ Bjale, baena ba ka fa, badiredi, ba šikinya seatla sa bona, ka—ka nnete ke thabile go bona sehlapha se sa badiredi ba ba thekgago ka tšhelete ka lesolong le. Gomme ga ke mo go—go tliša e ka ba eng ye mpsha, eupša go no logaganya lokwa le a bona.

⁸ Le a tseba, Jesu o rile, “Mmušo wa Legodimo o bjalo ka monna yo a tserego lokwa gomme a ya letsheng, gomme a le lahlela ka gare, gomme, ge a gogela lokwa ka gare, o bile le mehuta yohle ka go lokwa le.”

⁹ Bjale, re theadihlapi, gona. Gomme go no ba dihlapi tše ntši kudu ka go letsha lela, tše Modimo a di nyakago. Gomme ge hlapi ya mafelelo e tšwile, go fedile nako yeo. Bjale ga re tsebe hlapi yela ya mafelelo e tla ntšhwia neng go lona. Gomme bjale ke mo . . . Lokwa le tee, re tla re, le tla fihla dikgato tše ntši *bokaalo*, lokwa le lengwe le tla fihla dikgato tše ntši *bokaalo*. Ka gona ge re bea malokwa ohle a rena mmogo, ke tla rokaganya a ka le a bona, re ka kgona go obeletša ntle kgojana gannyane gomme mohlomongwe, ka go seo, re ka kgona go swara tše dingwe tše re bego re ka se kgone go di swara ka mokgwa wo mongwe.

¹⁰ Bohle re dumela go go Tleng ga Morena, gore go Tla ga Gagwe ka pela go batametše. Re a dumela Go batametše bjale. Ga re tsebe feela e tla ba nako efe yeo A tla goroga. Go boneng se, re nyaka go bea pele matsapa a mangwe le a mangwe re tsebago bjang, go išapele Mmušo le go dira motho yola wa mafelelo a phološwe ka Mmušong. Gomme ge wa mafelelo a phološitšwe, go ka se be—go ka se be le o tee wa tlaleletšo. E tla no ba bontši bjo *bokaalo*. Gomme ge yola wa mafelelo a tlišwa ka gare, Mmele wa Kriste o phethilwe, Tlhatlogo e tla tla.

¹¹ Gomme kafao re hlogetše letšatši leo, go tšwela ka ntle ga lefelo le mo re lego mo bjale, ka gore ka nnete ke—ke ntlo ya dilomi, re tseba seo, se tletše bolwetši, mokomane, le manyami, le mathata. Gomme, nna, ke mang a ka nyakago go dula fa, ge go na le Lefelo le lekaonana bjalo go fihla go lona?

¹² Kafao re—re leka go dira soulo ye nngwe le ye nngwe e phološwe, gore Jesu a kgone go tla. Gomme A ka se kgone go tla go fihla wa mafelelo yo a nago le leina la Puku ya Bophelo, leo le beilwego Kua pele ga motheo wa lefase; ge leina lela le bitšwa, yoo ke wa mafelelo nako yeo. O tlie go lopolla, go tliša morago. *Go lopolla* ke “go tliša morago.” Gomme ge A tliša wa mafelelo ka go . . . O dutše ka seatleng se setona sa Modimo, bošegong bjo, a dira mošomo wa Gagwe wa boboelanyi. Gomme ge soulo yela ya mafelelo e phološitšwe, yeo e lopolotšwego, le go bona le go tsebjia ke Modimo pele ga motheo wa lefase; ge soulo yela ya mafelelo e phološitšwe, yeo e tswalela Puku. Ka gona Kwana e tla ntłe, e tše Puku go tšwa seatleng se setona sa Yena yo a dutšego godimo ga Terone. Ka gona ke . . . O a tla nako yeo, O tla lefaseng. Ke nagana gore Modimo o . . .

¹³ Makga a mantši re a tšhoga gomme re thoma go nagana, “Gabotse, go swanetše go ba ka tsela *ye*, gomme re swanetše go e dira ka tsela *ye* goba go e dira ka tsela *yela*.” Ga re na le selo go dira ka go yona; re no bapala karolo ya rena ye A re etagopele go e bapala. Elelwang, ga go selo se lego ka ntłe ga tlhokomelo.

¹⁴ Modimo yo mogolo wa mokgonatšohle o a tseba feela tlwa, pele ga motheo wa lefase, gore re be re tla dula fa bošegong bjo. Ge A le mohlokamagomo, O swanetše. Kafao, A ka se kgone go ba mohlokamagomo ntle le go tseba dilo tšohle. Gomme ka tsebelopele ya Gagwe O tsebile gore kopano ye e tla ba fa; gomme mohlomongwe e beilwe ke Yena, ke a tshepa ke yona, go tliša ba bangwe gape ka Mmušong wa Gagwe.

¹⁵ Modimo, boka mathomong, O be a no ba Modimo. Gabotse, ka kgonthe O be a se modimo; O be a no ba wa Gosafelego. Modimo ke... Lentšu la rena la Seisimane *Modimo* le ra “selo sa go rapelwa.” Gomme go be go se selo go Mo rapela. O be a le gona ka Boyena, Elohim. Kafao go be go se selo go Mo rapela, kafao O be a no ba yo Mogolo wa Gosafelego.

¹⁶ Eupša ka go Yena go be go le ditholanakgopolو. Gomme ditholanakgopolو ke dikgopolو. Go no swana le ge o swanetše go nagana ka eng kapa eng pele o e bolela; ka gona ge o bolela, e ba lentšu. Gomme ka gona Yena ke wa ka Gosafelego, gomme ka go Yena go be go le ditholanakgopolو. Gomme O Le boletše, gomme Le be le le Lentšu, gomme Lentšu le dirwa go bonagala. Gomme ge Lentšu le dirwa go bonagala, ke Modimo o ba materiale.

¹⁷ Gomme kafao, se sengwe le se sengwe se thwi mo nakong, ga ra swanela go tshwenyega ka seo. Yena, O tla ba le se sengwe le se sengwe. A ka se tsoge a dumelela lenaba la Gagwe go Mo fekeetša. O tla dira lenaba go dira dilo tše di itšegeo, go etapele batho go ya ka molekong, go leka ngwana wa Gagwe—wa Gagwe, le go ya pele. “Gobane morwa yo mongwe le yo mongwe yoo a ttago go Modimo o swanetše go kgalwa ke Modimo, le go lekwa.” Kagona, ge re sa kgone go emela tsholo, gona re ba bana ba dihlaba gomme e sego seo re ipolelago go ba.

¹⁸ Kafao, beke ye, beke ye ka moka, a re beeng tumelo ya rena godimo fale boka ka kgonthe Peu ya Abraham, boka re swanetše go ba. A re dumeleng Modimo. Gomme ka gona re tla rapelela balwetše le go dira se sengwe le se sengwe re kgonago, go thuša mmogo. Gomme ge re tloga, re a tshepa gore go tla ba tsošeletše ya fešene ya kgale go kgabola naga ye mo, gore batho ba tla be ba kgobokana ka gare go tšwa mogohle, go pitlaganya dikereke tše godimo, le go ya pele, bakeng sa tsošeletše ya fešene ya kgale.

¹⁹ Re sa tšwa go feta go kgabola tsošeletše ye kgolo, ya mafelelo ye lesometlhano, mengwaga ye lesometshela. Re bile le dikopano tše kgolo. E robile direkoto tšohle tša histori, bokgole bjo ke tsebago histori. Ka mehla tsošeletše e tšeа e ka ba mengwaga ye meraro, eupša ye e ile pele lebaka la mengwaga ye mentši. Gomme bjale mello ya tsošeletše e a homola, mafolofolo a batho a a rorela, gomme le kgona go e bona. Ka go te-te tempele ya kgale ya Vesta, ka Roma, ge mello e timile, batho ba ile gae. Eupša re leka go agagape mello ye gape godimo ga thaba ye nngwe le ye nngwe re ka kgonago. Nka se kgone go e dira, ga go modiredi yo a

ka kgonago; go tsea rena bohle, mmogo, ka thapelo, le go dumela le go tshepa Modimo, go bona Moya wo Mokgethwa o tswelapele go šegofatša batho ba Gagwe ge re letetše go Tla ga Gagwe.

²⁰ Bjale, morero wa ka, go rapeleleng balwetši, ke ya go bolela ka seo bjale. Go rapelela balwetši ke, bjale, ga re leke go bolela gore seo ke se re lego mo ka sona, rena, selo se tee re lego bakeng sa sona, eupša go rapelela balwetši ke bonnyane. Gomme o ka se tsoge wa dira bogolo ka bonnyane, re tseba seo. Kafao, eupša Jesu o šomišitše, ke a nagana ba a akanya, e ka ba diphesente tše masomeseswai tshela tša bodiredi bja Gagwe e be e le thapelo go balwetši, go fodiša balwetši, gobane, ka go seo, e swara šedi ya batho.

²¹ Gomme, ka gona, leswao le lengwe le le lengwe le na le segalontšu ka morago ga lona. Gomme segalontšu e swanetše go ba segalontšu sa Lengwalo, go swana le ge se swanetše go ba leswao la Lengwalo. Gomme ka gona leswao le felegetšwa ke segalontšu. Go swana le Moshe, ge a ile tlase ka Egepeta; segalontšu sa leswao la pele, segalontšu sa leswao la bobedi. Gomme selo se sengwe le se sengwe se segolo seo se diregago le Modimo, seo se fago leswao, go na le segalontšu se latela leswao lela. Go swana le Jona, ge a be a lokollwa go tšwa mpeng ya hlapikgolo, leo e be e le leswao; ka gona segalontšu sa gagwe e be e le, "Sokologang, goba mo matšatšing a masomenne le tla senyega." Kafao ka mehla go segalontšu se yago le leswao.

²² Bjale, se re lekago go se dira, ke—ke go leka go dira batho go dumela Morena Jesu, go no Mo amogela, ntle le go beng diatla di beilwe godimo. Bjale, re a tseba go na le Lengwalo leo le rego, "Beang diatla godimo ga balwetši, gomme ba tla welwa ke maruru." Gomme ga re leke go nyatšisa Lengwalo leo, ka gore yeo e be e le thomo ye Jesu Kriste a e filego Kereke, go "bea diatla godimo ga balwetši." Eupša, ge le ka nkgotlelela, seo se be se swana kudu le setšo sa Bajuda. Bjale, elelwang mo—mo mosetsana yo a bego a robetše a babja, o hwile, morwedi wa Jairo. O rile, "Etla, bea diatla tša Gago godimo ga ngwana wa ka, gomme—gomme o tla fola."

²³ Eupša molaolalekgolo wa Roma, Montle, o rile, "Ga ke na maswanedi gore O tle ka tlase ga tlhaka ya ka. E no bolela lentšu, gomme mohlanka wa ka o tla phela."

²⁴ Gomme Jesu o retologile go dikologa gomme o rile, "Ga se nke ka ke ka bona tumelo boka yeo ka Israele."

²⁵ Le a bona, tsela ya Bantle ke go Mo dumela, feela ka go felela go Mo dumela. Bjale, re bea diatla go balwetši, ka nnete, re a dira. Eupša re leka go—go tliša bo—bo bokgonthe, ka Mangwalo, ga Jesu Kriste go beng gona; gona ge wena, ka tumelo, o obeletša godimo le go Mo kgwatha, wenamong, le a bona, boka mosadi ka taba ya madi o kgwathile kobo ya Gagwe.

"Gabotse," o re, "ge A ka be a le fa, ke be ke tla Mo kgwatha."

²⁶ Beibele e re, ka go Bahebere 3, gore, "Yena bjale ke Moprista yo Mogolo yo a kgonago go kgwathwa ke dikwi tša mefokolo ya rena." A ka kgonago go kgwathwa feela gabotse bosegong bjo bjalo ka ge A bile nako yela. Kafao re nyaka go Mo kgwatha.

²⁷ Ka mehla yo mongwe o re, "Gabotse, o tseba Ngwanešu *Semangmang*," modiredi tsoko, moebangedi, "o beile diatla godimo ga ka, gomme, oo, Morena o mphodišitše. Ba beile . . . Ngwanešu *Semangmang* o beile diatla." Le a bona? Seo se dira yo mongwe le yo mongwe go nyaka go bona ngwanešu yola go bea diatla godimo ga yo mongwe. Ka morago ga tšohle, e be e se diatla tša ngwanešu tše di e dirilego. Ke tumelo ya gago, seo ke se se e dirago. Kafao, gona ge moebangedi a tloga toropong, modiša e no ba moisa yo monnyane wa nthatana, pele ga phuthego, ka mehla. Dilo tše dingwe di a direga, diphodišo le go ya pele. Ba nagana ba swanetše go ba le moebangedi yola morago ka toropong pele e ka ba mang a ka fodišwa. Theetšang. Le se tsoge la dumela seo.

²⁸ Ke tumelo ya gago ka go Modimo ye e dirago phodišo. Le a bona? O swanetše go dumela Modimo. Gomme bjale ge o ka kgonago go Mo kgwatha, gona, ga go yo a beilego diatla godimo ga gago. E bile tumelo ya gago yeo e Mo kgwathilego, gomme tumelo ya gago e tlišitše kgonthe. Kafao gona e be e se yo a go kgwathilego, eupša tumelo ya gago e Mo kgwathile. Gomme kafao seo se tliša bopaki bja kgonthe bja mmapale go Yena nako yeo. Seo ke se re lego fa bakeng sa sona, go—go Mo godiša.

²⁹ Bjale, letšatši le lengwe le le lengwe, morwa wa ka o tla ba tlase le go fa dikarata tša thapelo. Ge a se mo, yo motee wa ba bangwe, gabotse, wa lesolo, o tla di fa. Gomme ba fa dikarata tša thapelo, feela karata ye nnyane ye e nago le nomoro godimo ga yona. Bošego ka bošego, re bitša dinomoro tše le go rapelela balwetši. Gomme bjale re . . . Gomme letšatši le lengwe le le lengwe ba fa tše mpsha, ka baka la gore bosetlaboswana ba tla ka gare. Gomme ge ba di fa tšohle, letšatši la pele, ga ba hwetše sebaka go hwetša karata ya thapelo e ka ba efe.

³⁰ Gomme ka gona, ka go seo, ga go yo motee a tsebago feela tlwa moo mothalo wa thapelo o tla bitšwago, bjalo ka ge re bile le bontši bja boitemogelo go šogana le dilo tše. Re na le moisa yo motee, nako ye nngwe, a rekiša dikarata tša thapelo go batho, go ba tliša godimo sefaleng, kafao re ile ra swanelo go emiša seo, ka nnete.

³¹ Kafao morago re theogela tlase, gomme mošemane o tliša dikarata tša thapelo tlase pele ga lena, morago ga sekgalela se sengwe le se sengwe ka masometharo a tshela, gomme o hlakanya dikarata tše tša thapelo, thwi pele ga lena. Morago go tše, gomme o ka hwetša lesome; yo mongwe o hwetša masometharo tlhano; wa go latela masomesenyane; wa go latela masometshela, ka mokgwa woo. Gomme ka gona, gape, o be a ka se tsebe gore o na le karata efe.

³² Gomme selo se sengwe, morago ke tla tlase bošego, ga ke tsoge ka tseba feelsa moo re yago go thoma. Re ka no thoma lefelo le tee, lefelo le lengwe, e ka ba kae, morago le pele. Dinako tše dingwe ke bala gore ke batho ba bakae ba lego mothalong wo, le go e atiša ka mothalo wo, le go e arola ka mothalo wo.

³³ Go be go fela, ke tla ba le ngwana yo monnyane go emeleta le go bala. Gomme moo a emego, fale ke tla thoma. Le e dumela goba aowa, mme o bile le serothlwana se ema thwi go nomoro ya gagwe. Re sa—re sa mekamekana le batho, le a bona, kafao le swanetše go—swanetše go e dira ka tsela ye nngwe.

³⁴ Kafao, ye e šomile bjale, gabotse, lebaka la ye mentši, mengwaga ye mentši. Gomme re tla be re rapelela balwetši, bošego bjo bongwe le bjo bongwe, Morena ge a rata.

³⁵ Gomme bjale ke nyaka le nthapediše. Gomme, bjale, re a dumela gore Jesu Kriste o sa phela. Re a dumela gore mabodumedi ohle a ka no ba a lokile; eupša ga go le bjo botee bja ona gomme ga go le e ka ba bofe bja ona bo lego therešo le nnete eupša Bokriste.

³⁶ Ke nna moromiwa. Ke bile makga a mmalwa go dikologa lefase. Gomme ke bile go mohuta ohle wa mašemo a šele, le go ya pele, gomme ke kwele bahetene, Buddha, le—le Mohammed le ba go fapana, go dikologa, go dikologa lefase. Eupša go ne bodumedi bjo botee feelsa bja therešo bjoo ka kgonthe bo lego, therešo e tee, bjoo bo nago phološa ka go bjona, gomme bjoo ke Bokriste.

³⁷ Re na le dibopego tše ntši tša go fapana tša bjona, tše re di bitšago Bokriste, eupša go ne Bokriste bjo botee. Bokriste ga se kerekeleina. Ga se sehlopha sa batho. Bokriste ke Motho, yoo ke Kriste, gomme—gomme o molata wa Gagwe—wa Gagwe. Gomme bjale, re a dumela gore O a phela. O tsogile go tšwa bahung. Re dumela seo ka pelo ya rena yohle. Gomme re a dumela gore O thwi mo bjale, re a dumela gore O sa no phela bošegong bjo bjalo ka ge A kile a ba. Gomme O tla ka magareng ga rena, go netefatša Yenamong go ba fa, feelsa go swana le ge A bile.

³⁸ Re bile, re bile le dikolo tše kgolo le diseminari. Ka nnete, ge re hwetša seo, re thoma go hwetša banna ka dikgopolu, gomme ba e hlabela. Ge banna ba babedi ba thomile, ba dumelana go dira—go dira mo—mo mokgatlo, le ge o lokile bjang, efela, mo nakong ya ngwaga, go tla ba le mehuta yohle ya dilo di hlabelwa ka go mokgatlo wola, gobane o hwetša dikgopolu tše go fapana. Gomme go fap—...Kafao, go lokile, e boloka bongwanešu, gomme ga go selo kgahlanong le yona. Eupša, selo sa yona ke, ga se wa phološwa ke mokgatlo wa gago, ka kerekeleina ya gago.

³⁹ O phološitšwe ka tumelo ya gago mong ya sebele ka go Jesu Kriste. Yeo ke phetho. Kafao ke gare ga gago le Kriste, a nnoši. Kafao o nyaka Lengwalo, gomme o Mo dumele ka pelo ya gago

yohle, gomme—gomme O tla go phološa, goba go go fodiša. Ge A sa boloke Lentšu la Gagwe, gona ga se Yena Modimo; gomme ge A boloka Lentšu la Gagwe, Le netefatša Yena ke Modimo. Le a bona? Kafao, Yena, re Mo dumela ka pelo ya rena yohle.

⁴⁰ Gomme bjale rapelang le nna, gomme re tla dira bokaonekaone bjo re ka kgonago. Gomme bošego bjo bongwe le bjo bongwe re ya go leka go tšwa ka pela. Ka mehla, re ka ntle ga tabarenekele goba meago pele e ka ba ka masometharo a senyane. Bjale, bošegong bjo e ka no ba boteletšana gannyane nthatana. Ga ke tsebe ka kgontha. Efela re ne metsotso ye masomenne tlhano, gore go be gore re kgone go tšwela ntle ka nako, bošegong bjo. Re bolela lebakana.

⁴¹ Eupša, bošegong bjo, ke nyaka go bea motheo wa se re lekago go se fihlelala. Gomme ka kua, go tšeа nako ye ntši gannyane, go bea fase go lena, feela se re swanetšego go se dira, ka lenaneo la mpho go tšwa go Modimo, go ya go Kereke ya Gagwe, go batho ba Gagwe. Gomme, nnete, ka kgontha ga re kgone go e lokafatša; ga go tsela yeo motho a ka kgonago go e dira. Gomme go ka reng ka, feela mašego a mararo goba a mane, go e dira ka gare. Feel a e ka ba ka nako o tlwaelanago, gomme maikutlo ohle a go se tlwaelege a ya kgole, go beng basetsebje, gabotse, gona o thoma go bona batho ba bangwe bao ba kaonafetšego. Gomme dilo di diregile. O purupuditše Lengwalo, gomme wa re, “Gabotse, seo se tlemega go ba. Ga se ka ke ka se bona ka mokgwa woo, eupša sese sona.” Gomme se swanetše go kitima go tloga go Genesi go ya go Kutollo.

⁴² Bjale, ke a dumela gore Modimo a ka kgonona go dira dilo tše di sego tša ngwalwa ka Beibeleng ye. Ke a dumela A ka kgonona, gobane Yena ke Modimo. Eupša feela ge A dira se A se tshepišitšego Fa, se lekanetše gabotse go nna. Ga—ga—ga ke dumele gore e ka ba eng e swanetše go oketšwa go Puku ye goba go tlošwa go Yona. Ke a dumela gore Ke kutollo ye e feletšego ya Jesu Kriste. Ke a dumela gore seo ke se E lego sona. Gomme Thuto yohle, golebjalo, e swanetše go tšwa go Beibeleye.

⁴³ Gomme ge le ka ntshwara ke bolela dilo le go dira dilo tše e sego tša Mangwalo, le go tshepiša Lengwalo la iri ye, gona, selo go se dira, le a nkolota, go bona molaodi le—le go bona gore ke otlolotšwe bakeng sa yona. Gobane, ke nna motho, le nna. Ke nyaka go ya Legodimong, go swana le ka moka ga lena le dirago.

⁴⁴ Bjale, bošegong bjo, re ya go bala a mangwe go tšwa go Lentšu la Modimo la Gosafelego. Gomme sa pele re ya go bala... e ka ba ditemana tše tharo go tšwa go tema ya 1 ya Puku ya Bahebereg, gomme morago re ya go bala e ka ba ditemana tše tharo go tšwa go tema ya mafelelo, tema ya 13 ya Puku ya Bahebereg.

⁴⁵ Bjale, ka mehla re a ema ge re ena go botegela, goba go saluta folaga, goba go opela *The Star-Spangled Banner*. Go reng ka

Lentšu la Modimo? A re emeng ge re Le bala.

⁴⁶ Bjale theetšang sekgauswi ge re bala Lentšu le bohlokwa le, Bahebere 1. Gomme ka gona Bahebere 13, gomme go thoma go temana ya 5 le go bala ya 8, go akaretša.

Modimo, yo dinakong tša kgale...ka mekgwa ya go fapano a boletšego dinakong tša go feta le botate ka baprefeta,

Mo matšatšing a mafelelo o boletše le rena ka Morwa wa gagwe, yo yena a mmeilego mojabohwa wa dilo tšohle, ka yena gape o dirile mafase;

Yo a lego ka go phadimo ya letago la gagwe, le seswantšho se se hlagišitšwego sa motho wa gagwe, le go rwala dilo tšohle ka lentšu la tshepišo ya gagwe, ge yena ka yenamong a hlatswitše sebe sa rena, o dutše fase ka seatleng se setona sa Bogoši godimo;

⁴⁷ Bjale Bahebere 13:5.

A nke dipoledišano tša lena di be ntle le go duma; gomme lekgotsofale ka dilo tše bjalo ka ge le na le tšona: ka gore o rile, Nka se tsoge ka go tlogela, goba go go lahla.

Gore ka sebete re re re, Morena ke mothuši wa ka, gomme nka se boife se motho a tla se ntirago.

Elelwang bona ba ba...bušago godimo ga lena, ba ba boletšego le lena lentšu la Modimo: ba tumelo ya bona le e latele, go hlokomela bofelo bja dipoledišano tša bona.

Jesu Kriste wa go swana maabane, ...lehono, le go ya go ile.

⁴⁸ A re inamišeng dihlogo tša rena bakeng sa thapelo. Gomme ge re sa ne dihlogo tša rena di inamišitšwe, le dipelo tša rena, gape, a go ne dikgopelo ka fa, di ka ratago go gopolwa, tše le ratago go di bolela, bontši kudu go Modimo, ge kopano ye e eya pele, “Modimo, ke na le tlhoko ye kgolo. Nkgopole, Morena”? A o ka e dira e tsebje ge o phagamiša diatla tša gago? E re, “Nkgopole. Ke mo bakeng sa tlhoko, Morena.”

⁴⁹ Tate wa rena wa Legodimong, re batamela Wena, ka go Leina lela la go lekanelo gohle la Morena Jesu, go tsebeng se, gore O rile, “Le kgopela Tate e ka ba eng ka Leina la Ka, e tla fiwa.” Gomme re thabile kudu go tseba seo, Morena, gore re na le netefatšo ye, gore ge re kgopela e ka ba eng Leineng la Gagwe, se—se kwewa ke Modimo. Gomme re a rapela, Tate, bošegong bjo, le kgopelo ya ka, le bobedi diatla tša ka godimo, ke—ke a Go kgopela, Tate wa Legodimong, go araba ye nngwe le ye nngwe ya dikgopelo tše. Ga go pelaelo go na le batho fale bao baratwa ba bona ba sego ba phološwa, gomme—gomme ba na le bolwetši, gomme—gomme mohlomongwe mathata a selapa, mathata a tša ditšhelete. Gomme, O Modimo, le—le lefase la

kgale ka kgonthe le a babja, gohlegohle. Gomme, re—re lebeletše go Tla ga Gago, Morena, moo go tla bago ye kgolo, mengwaga ye sekete, Mileniamo, le moo—moo baloki ba tla bušago le go rena le Kriste. Re lebeletše iri yeo, Morena. Gomme re leka go phela ka mokgwa woo, gore ye ke nako ye re bonago moloko wa mafelelo godimo ga lefase, gomme re letile go Tla ga Gagwe.

⁵⁰ Gomme re a rapela, Tate, gore O tla phološa soulo ye nngwe le ye nngwe yeo e phološegago, ka nageng ye, ge kopano ye e eya pele. E fe, Tate. Ka gona ge kopano e fedile, ge re ba foša, a nke fao go tle tsošeletše go kgabola ntle dikereke tšohle.

Gomme—gomme hlaganelia, Morena, etla.

⁵¹ Re bona ditšišinyego tša lefase gape di šwalalanya lefase, ka mafelong a go fapana, le pelo ya batho e šitwa, poifo, go makatšwa ga badudisetlogo, le go tlalelwa, le ditšhaba. Gomme re—re no ba bofelong bja nako. Re nagana ka tšišinyego ye kgolo ya lefase letšatši le lengwe, gomme ga se gwa ke gwa ba e tee boka yona; feela, mengwaga ye makgolo a lesomesenyane ya go feta, ka Labobhlano le lengwe le Lebotse, ge Jesu a gannwe ke lefase, lefase le šikinyegile gohle. Modimo, O gannwe, gape. Lefase le šikinyegile, letšatši le lengwe, gomme meboto le dithaba di wetše ka gare, ditoropokgolo di phuhlame, gomme meetse a tšhologela moyeng, gomme lefase ka moka la e kwa. E tla ba eng ge O bowa, Morena? Ga go makatše, “Ba llela maswika le dithaba.”

⁵² A re itokišeng bakeng sa nako ye kgolo yela ya go ya Gae, Tate. Efa kgopelo ye nngwe le ye nngwe, ka gore re e kgopela Leineng la Jesu. Amene.

Le ka dula.

⁵³ Bjale, gagolo, ke nyaka le theetše, efa nako ka gare. Gomme ebang le tlhomphokgolo ka mo go kgonegago, gagolo ge re sa bolela. Gobane, ge o sa hwetše mantšu, se re swanetšeego go se bea ka gare, bošego bjo bongwe le bjo bongwe, ka gona o tla sefaleng o sa tsebe se o se tlelago. Le a bona, le swanetše go kwešiša. Le swanetše go tla ka kwešišo, gomme yeo ke tsela ye Kriste a nyakago re etla. Gomme ge . . . O swanetše go ba le tumelo ka go se o se dirago. Ge o sa dire, o no ya ka mokgwa wo mongwe ka go tlhagaraga, “Ke holofela bjalo,” e ka se tsoge ya direga. E ka se kgone go direga. Le a bona? O ka se kgone go ba le tumelo ge o eya ka mokgwa woo. O swanetše go tseba ka go tsenelela se o yago, le go tseba e ya go direga. Gona—gona, o—o phosithifi gona gore e ya go direga.

⁵⁴ Bjale, elelwang. Le se lebale. Kgwekgwe ya rena ke, le sehlogo sa rena, gore, “Jesu Kriste o a swana maabane, lehono, le go ya go ile.”

⁵⁵ Bjale, thuto ya ka ya hlogotaba ya bošego bjo ke: *Kriste O Tsebagatšwa Go Swana Ka Go Meloko Yohle.*

⁵⁶ Bjale, Beibele e rile, “O a swana maabane, lehono, le go ya go ile,” gomme re nyaka go tseba ka fao A kgonago go ba, ka fao re ttago go Mo lemoga. Ge A le mo feela bjalo ka ge A be a le nako ye nngwe ye e itšego, gona re rata go tseba ka fao A lemogwago magareng ga rena.

⁵⁷ Go na le batho ba bantši kudu ba na le dikgopolole tše ntši tša go fapanana ka Yena. Le a bona, yo mongwe le yo mongwe yo motee, bjalo ka motho ka motho, re leka go thala kgopolole ya rena ka Kriste, se A bego a le sona, se A lebegago boka sona, le—le ka fao borasaekholotši ba pentilego seswantšho. Go swana le, *Hlogo ya Kriste ka Masometharo Tharo* ya Hofmann, le—le Sallman le ba bangwe ba go fapanana, eupša, le a bona, ga re tsebe O bogegile ka mokgwa woo. Kafao re ka se tsoge ra kwešiša, goba se A bogegilego boka sona, gomme ka go no penta seswantšho tsoko.

⁵⁸ Kagona, ge yo mongwe a ka tla sefaleng, goba magareng ga rena, gomme a ba le mabadi ka diatleng tša gagwe, le mabadi a sepikiri le mengwapo ya meetlwa godimo ga phatla ya gagwe, gomme a tšwa madi, bjale, le a bona, yoo—yoo e ka se be Kriste. Gobane, ge A etla, leihlo le lengwe le le lengwe le tla Mmona, gomme letolo le lengwe le le lengwe le tla kobega, ge mmele wola o boela lefaseng gape. Le a bona?

⁵⁹ Eupša eng, gabaneng A ka kgonaga go ba wa go swana maabane, lehono, le go ya go ile gona? Le a bona? Re swanetše go ithuta bjale se—se A lego.

⁶⁰ Ge ke botšišitše, e re, mohlomongwe batho ba Lutheran mo, kgopolole ya lena ke eng ka Yena? “Gobaneng,” ba tla re, “re—re na le Yena ka kerekeng ya rena.” Gabotse, ga ke belaele seo. “Eupša Yena ke se.” Gomme ka gona mohlomongwe ka retologela godimo go batho ba Baptist, gomme ba tla—ba tla ba le kgopolole ye nnyane ya go fapanana. Gomme ke tla retologela go mehuta ya go fapanana ya batho ba Ebangedi ya go tlala, boka Assemblies of God, Foursquare, pe—pe Pentecostal United, le—le ma—ma makala a go fapanana a yona, yo mongwe le yo mongwe a ka ba le kgopolole ya go fapanana ka Sona. Motho ka motho yo mongwe le yo mongwe ka fale a ka fapanana. Eupša ba . . .

⁶¹ Re swanetše go ba le se sengwe seo re ka kgonago go tla go mafetšo a rilego, goba re ka se tsebe fao—fao re yago. Ke nagana selo se se tla rumago seo e tla ba Lentšu la Modimo. Gomme go sa kgathale ka dithutotumelo tša rena le dikgopolole tša rena, Lentšu la Modimo le swanetše—le swanetše go e ruma.

⁶² Kafao, kagona, ba bangwe ba bona ba tteleima gore O—O be a le, go batho ba bangwe, gabonolo O be a no ba mo—mo mokgatlo wo mogolo. “O kgatlofaditše mme—mme mmele wa baapostola ba lesomepedi. O be a le mokgohllaganyi yo mogolo.” Bokgole bjo re tsebago, ga se nke A kgatlofatša selo. Ga se nke A dira selo boka seo. O nno . . .

⁶³ O be a le ponagatšo ya Modimo. “E be e le Modimo ka go Kriste, a boelanya lefase go Yenamong.” O be a hlagiša se Tate a bego a le sona, ka go Yenamong. O rile, “Ke dira ka mehla seo se thabišago Tate. Gomme Nna le Tate re batee. Tate o dula ka go Nna. Ge le bona Nna, le bone Tate.” Ka mantšu a mangwe, O hlagišitše Modimo, Moya bontši kudu ka go Yena, go fihla, “Yena le Tate, e be e se bohlakodi go Yena go ba Motho wa go swana.”

⁶⁴ Bjale, re hwetša ka fa, ba bangwe ba nagana, “O be a le rafilosofi.” O be a le rafilosofi. Ga go pelaelo ka seo. O... Eupša O be a feta rafilosofi.

⁶⁵ Ba bangwe ba bona ba Mo naganne go ba moprofeta. O—O be a le moprofeta, therešo, Beibele e rile O be a le, eupša O be a feta moprofeta.

⁶⁶ Ba bangwe ba bona ba rile, “O be a le morutiši. ‘Ga se nke gwa ke gwa ba motho a rutago ka mokgwa wo.’” O be a le morutiši, eupša O be a sa le bontši go feta morutiši. Le a bona?

⁶⁷ Ba bangwe ba bona ba re, “O be a le monna wa go loka.” Eupša O be a feta monna wa go loka. O be a le monna wa go loka, eupša O be a feta monna wa go loka.

⁶⁸ Gomme ge yohle e laeditšwe fase, O be a le Modimo. Kafao O be a se selo bonnyane, goba e sego selo gape. A be a ka se kgone go ba selo gape, ka nnete. “Eupša O be a le—O be a le Modimo a bonagaditswe nameng, le go dumelwa lefaseng, le go amogelwa godimo ka letagong, le go dula ka seatleng se setona sa Tate.”

⁶⁹ Bjale, re hwetša, go hwetša tlhagišo ya kgonthe ya Gagwe, re... Johane, ka go tema ya 1 ya Johane, o rile, “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena.”

⁷⁰ Bjale, mathomong, moo ke ge nako e thoma, ge Bokagosafelego bo nyalelana fase ka go nako. Bjale, morago ga lebakana, nako e tla morago ka go Bokagosafelego. Nnete, nako ke Bokagosafelego, le yona, eupša nako ke sekgora se se beetšwego. Gomme yeo ke tsela, selo se nnoši re se tsebago, ke diintšhi, le dijarata, le dimaele, le—le diswantšho, le go ya pele. Eupša seo ga se selo go Modimo. Yena ga a na le nako. Yena—Yena ka mehla o gona.

⁷¹ Yena ke wa Gosafelego, gomme Yena ke mothopo o nnoši wa Bophelo bjo Bosafelego o lego gona, o ka go Modimo, Tate wa rena. Yena ke wa Gosafelego, Yenamong. Bjale, kagona, ge re na le Bophelo bjo Bosafelego, re na le karolo ya Modimo ka go rena. Gomme Modimo ka go rena, ge A se, gona, yeo ke tsela e nnoši o ka bago le Bophelo bjo Bosafelego. Ga se se sengwe seo se tšweleditswego, ka gona se filwego wena ke thutotumelo ye e itšego, goba o phetše ka go yona, o godile go ba monna yo mokaonana goba mosadi yo mokaonana. Ke Modimo ka Boyena ka go wena. Go no swana le ge o le karolo ya tatago mo lefaseng;

o karolo ya Tatago wa Legodimong. Gomme se o lego sona, ke wena kgopoloo ya dikgopoloo tša Gagwe ka wena pele ga motheeo wa lefase. O ile a swanelo go e tswadiša ka gare, le se sengwe le se sengwe, go hwetša se o lego, go go dira se o lego. Ka gona ge re feletše, gona se mo . . .

⁷² Batho ba bantši ba otlela tsela ya bophelo, ba lebelela ka seipone sa go bona morago. Gagolo, ga ke re go bolela se go gobatša maikutlo, eupša bontši bja basadi ba rena, ka mehla ba a dira, ge ba fetile e ka ba mengwaga ye masometharo bogolo, ba nyaka go ya morago le—le go ba mosetsana yo moswa gape. Gomme ba ba masometlhano, ba sa nyaka selo sa go swana. E sego feela seo, eupša banna, le bona. Eupša mang kapa mang yo a lebelelago ka seipone sa go bona morago, o ya go thulagana, felotsoko. O ka se kgone go otlela tsela, go kgabola, o lebeletshe ka seipone sa go bona morago.

⁷³ Eupša ke dumela se Paulo a se boletšego, “Go lebala dilo tšela tšeo di fetilego, ke gatelela go ya mmarakeng wa pitšo ya godimo ka go Kriste.” Le a bona? O se ke wa lebelela se o bego o le sona; lebelela se o yago go ba sona.

⁷⁴ Ke—ke be ke nyadišagape baratani ba kgale, nako ye nngwe. Ba be ba tšea dikenoo tša bona. Ba be ba le masomeseswai tharo le masomeseswai nne a mengwaga bogolo, ka o tee. Ba ba file keno ya go tlala. Gomme ke—ke ikwetše go hlanya, feela moisa yo moswa bjalo ka ge ke be ke le nako yela, ke leka go . . . Mokgalabje o be a nyetše e ka ba mengwaga ye masometshela, yena le mosadimogatša wa gagwe, gomme ba be ba tšea keno. Gomme ba be ba sa no ba leratong kudu bjalo ka ge ba kile ba ba.

⁷⁵ Gomme o be a na le maledu a matelele. Gomme ke rile go yena . . . Ke rile go mosadi, ke rile, “O nagana eng ka yona?” Gabotse, ke mmotšišitše pele. Ke rile, “O nagana eng ka, gobaneng o rua ditedu tše telele?”

⁷⁶ O rile, “Ke nagana mokgalabje wa mengwaga ya ka o swanetše go ba le ditedu tše telele.”

Ke rile go mosadi, “O nagana eng ka yona?”

O rile, “Gabotse,” o rile, “eng kapa eng Johan a e dirago e no ba ye kaone.”

⁷⁷ Kafao, gomme—gomme ke rile, “Gabotse, go na le phapano ka go wena ge e sa le o mo nyala.”

⁷⁸ O rile, “O a tseba, Morena o bile go loka.” O rile, “O no ba yo mobotse bjalo ka ge a kile a ba.” O rile, “O a tseba, ge a eba motšofetšofe, pono ya ka e a fifala.”

⁷⁹ Kafao ke—ke naganne seo se be—seo se be se le bose ka kgonthe. Ke a holofela mosadimogatša wa ka o nagana selo sa go swana. Gomme ke ikwela bohle re ikwela ka tsela yeo ka seo.

⁸⁰ Kafao, eupša, ba bile—ba be ba hweditše bophelo, ba be ba hweditše mokgwa wa go bo phela, le a bona. Seo, ga se sona, re

se bolelago, “Bohle re rata go ya morago,” rena batho ba bagolo, “go ya morago go lesometshela, goba lesomeseswai, bogolo bja mengwaga ye masomepedi, se sengwe boka seo.”

⁸¹ Eupša elelwang gore re godile le go phela go lebaka leo. Gomme ka gona gobaneng, go tsea dijo tša go swana, re a hwa bjale, ge tšohle di dira disele tša madi go no swana? Saense e ka se kgone go e netefatša. Ke peelano le Modimo. Ge o na le mengwaga yeo, Modimo o rile, “Seo ke se ke se nyakago bjale.” Lehu le dutše godimo ga yona.

⁸² Eupša, le a bona, ka tsogong, go ka se be monagano le gatee wa botšofadi. Re ya morago go yela bakeng sa Bokagosafelego, bakeng sa nako yohle. Kafao gobaneng o ka lebelela morago go yeo, go swanelia go phela selo se sa go šokiša godimo? Gabotse, lebelelang thwi fao, pele ga lena go robetše sebopiwa se seswa ka go Kriste, mmele wo moswa, wa go se hwe wo o ka se tsogego wa feta, wa tsoge wa tšofala, wa se tsoge wa ba le bolwetši goba go opa ga hllogo. Ka gona, lebelelang, tšwelangpele le lebeletše pele ga lena ka mokgwa woo, bakeng sa go Tla ga Gagwe.

⁸³ Bjale, “Mathomong, Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena.” Yoo e be e le Jesu Kriste. O be a le Lentšu la Modimo.

⁸⁴ Bjale, Modimo o ya go ahlola lefase letšatši le lengwe. Re tseba seo. Gomme bjale batho ba bantši ba nagana, ba na le dikgopoloo tša bona tša se A tla ahlolago lefase ka sona.

⁸⁵ Bjale go bagwera ba rena ba go loka ba Katoliki, ge eba go ne e ka ba ofe fa, ba dumela gore Modimo o tla ahlola lefase ka kereke ya Katoliki. Ge A dira, kereke efe ya Katoliki? Le a bona? Gobane go ne dikgato tše dintši tša go fapania tša Bokatoliki. Go ne Katoliki ya Roma le Orthodox ya Gerika, le go ya pele. Le a bona? Gabotse, ge A le ahlola ka ya Roma, gona ya Segerika e fošagetše. O le ahlola ka ya Segerika, gona ya Roma e phošo. Le a bona?

⁸⁶ Kafao gona ge A le ahlola ka Lutheran, Baptist e fošagetše. O le ahlola ka Baptist, Lutheran e fošagetše. O le ahlola ka Pentecostal, gona bobedi ba phošo. Gona, le a bona, gona ke lena bao.

⁸⁷ Ga a ye go ahlola lefase ka kereke e ka ba efe. Ga a ye go ahlola Lentšu ka mokgwa e ka ba ofe goba thutotumelo e ka ba efe. O ya go ahlola lefase ka Jesu Kriste, gomme Yena ke Lentšu. Jesu ke Lentšu. “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo.” Gomme Lentšu, e sa le Modimo, “wa go swana maabane, lehono, le go ya go ile.” Wa go swana maabane, lehono, le go ya go ile!

⁸⁸ Bjale e ka kgona go ba bjang? Modimo, mathomong, o abetše Lentšu la Gagwe, bontši bjo bokaalo go lebaka le lengwe le le lengwe. Ke ka baka leo A tsebilego bofelo go tloga mathomong.

Ka go lebaka le lengwe le le lengwe go bile le—le seprofeto se abetšwego lebaka leo. Ka mehla, dikereke, le go ya pele, le dihlopha tša batho, bohole ba bile le yona e phetlilwe kudu, go fihla A tla romela moprofeta mo go lefelotiragalo. Bjale, re a tseba Beibebe e boletše, gore, “Modimo, dinakong tša kgale, ka mekgwa ye mentši o boletše le botate ka baprofeta, ka matšatšing a a mafelelo ka Morwa wa Gagwe, Jesu Kriste.” Go ka se tsoge, Modimo wa go se fetoge ga a tsoge a fetola tsela ya Gagwe ya go dira dilo. Modimo o na le tsela e tee ya go dira dilo, gomme Yena ga a fetoge, le gatee.

⁸⁹ Ge motho a dirile sebe gomme a wele, ka serapeng sa Edene, gomme Modimo o diretše motho yoo tsela go—go phološwa, Yena ga se a ke a fetola tsela ya Gagwe. O amogetše monna yola godimo ga motheo wa Madi a a tšholotšwego a yo Motee wa go hloka molato, gomme Yena ga se a tsoge a e fetola, ge e sa le, ga go kgathale eng.

⁹⁰ Re lekile go aga ditora, Nimirole. Gomme re leka go... Re leka go aga ditoropokgolo, boka Nebukadinetsara. Re lekile go ba le mekgatlo, go dira batho bohole ka go seholophya se tee. Re lekile go ba rutela ka go yona. Re lekile se sengwe le se sengwe ka lefaseng, go e dira. Gomme ke, nthatana ye nngwe le ye nngwe, e paletše.

⁹¹ Modimo o kopana le motho motheong o tee, woo ke ka tlase ga Madi a tšholotšwego, gomme leo ke lefelo le nnoši A tla tsogego a kopana le yena. Ka ntle ga fao, le no lwa le moyo. O kopane le Israele, O kopane le Jobo, O kopane le baprofeta bohole, mogohle, ka tlase ga madi a tšholotšwego. Gomme yeo ke tsela e nnoši A tla kopanago le rena, bošegong bjo; e sego bjalo ka Mapentecostal, e sego bjalo ka Methodist, e sego bjalo ka Lutheran, e sego bjalo ka Katoliki. Eupša O tla kopana le rena ka tlase ga Madi a tšholotšwego a Morwa wa Gagwe, Jesu Kriste, gomme yeo e nnoši. Leo ke lefelo le nnoši A tla kopanago le rena.

⁹² Modimo wa go se fetoge, ga A tsoge a fetola tsela ya Gagwe ya go dira e ka ba eng. Le a bona? Dimelo tša Gagwe di netefatša gore ga A fetoge, ka Boyena.

⁹³ Yena ga se a ke a šoma le dihlopha, tše dingwe tše kgolo, o re, “Mokgatlo wa rena wo mogolo.” Modimo o tla o hlokomologa. O šoma le motho ka motho, motho o tee. Le a bona?

⁹⁴ Gobane, o no ba motho ka motho, wenamong. Ga go na dinko tše pedi tša go swana, ga go dingwato tša menwana tše pedi. O motho ka motho, gomme Modimo o šoma le wena bjalo ka motho ka motho.

⁹⁵ Kafao, ka go lebaka le lengwe le le lengwe, ge Modimo a boloka Lentšu la Gagwe bakeng sa lebaka le lengwe le le lengwe, gona, ge Lentšu lela le loketše go bonagatšwa. Bjale phetlang Mangwalo; le se ke la no tše lentšu la ka. Ge Lentšu lela le loketše go bonagatšwa, ka gona Modimo o romela moprofeta

fase gomme a utolla Lentšu go moprofeta wa Gagwe. Beibele e rile, “Lentšu la Morena le tlide go baprofeta. Gomme ga A dire selo go fihla A se utolla go baprofeta ba Gagwe.” Moprofeta ke yo...moo Lentšu la Morena le tlilego, boka ka matšatšing a Noage, le matšatšing a—a Eliya, le matšatši a—a Moshe, le go ya pele. Jeremia, le Jesaya, le bao nka kgonago go ba bolela go fetiša, gore, O tlide go bao. Gomme ba bonagaditše, goba ba phethagaditšwe, Lentšu lela.

⁹⁶ Bjale, šetšang, gore le bone ge eba re nepile, goba aowa, ka dikgopolong tše re a nagana.

⁹⁷ Bjale, le a bona, yo mongwe le yo mongwe wa rena o tla ba le dilo, yo mongwe le yo mongwe wa rena o hlatholla Beibele go fapania. Methodist e re, “E swanetše go balwa ka mokgwa *wo*.” Katoliki e re, “Ka mokgwa *wo*.” Lutheran, “Ka mokgwa *wo*.” Mapentecostal, “Ka mokgwa *wo*.”

⁹⁸ Eupša Beibele e bolela, gore, “Lentšu la Modimo ga se la tlhathollo ya sephiri.”

⁹⁹ Modimo o hlatholla Lentšu la Gagwe Mong. Modimo ga a nyake mohlatholli yo a itšego. Ga A re nyake go hlatholla. Ge Modimo a dira tshepišo gomme a e bonagatša, le go e dira bjalo, yeo ke tlhathollo ya yona. Modimo o rile, mathomong, “A go be le seetša,” gomme gwa ba seetša. Seo ga se hloke tlhathollo ye e itšego. Ge Modimo a rile, “Go tla ba seetša,” gomme seetša sa tabogela ka gare, seo se hlatholla Lentšu la Gagwe Mong. O rile, “Kgarebe e tla ima,” gomme o dirile. O rile O tla “tšhollela Moya wa Gagwe ka matšatšing a mafelelo, godimo ga nama yohle,” gomme O dirile. Ga e hloke tlhathollo ye e itšego. Ge Modimo a dira Lentšu la Gagwe go ba molaleng go wena, le le fago tlhathollo.

¹⁰⁰ Bjale, ge Moshe a etla, o be a ka se kgone go tšeа molaetša wa Noage; le Moshe o be a ka se kgone go tšeа, goba—goba, Noage go tšeа molaetša wa Moshe. Le Joshua o be a ka se kgone go tšeа wo mongwe wa molaetša wa bona, le a bona, wo mongwe le wo mongwe wo motee. Jesaya o be a ka se kgone go tšeа wo yo mongwe mo... Molaetša wo mongwe le wo mongwe ke wa lebaka leo.

¹⁰¹ Gomme le lebaka le re phelago ka go lona, ge Lentšu lela le hlathollwa, Modimo a bolela Lentšu lela le go dira Lentšu la lebaka leo go phela, go fa tlhathollo ya Lona, yoo ke Modimo ka go Kriste, a bonagatša. Le a bona? Gobane, Kriste ke Lentšu, gomme ge Lentšu le dirwa go bonagala, yoo ke Kriste ka go lebaka le lengwe le le lengwe, nako yeo.

¹⁰² E be e le Modimo yo a bego a le ka go Josefa. Semelo sa Josefa feela tlwa se kaile Kriste. O tswetšwe mo nakong ya kereke yohle ye kgolo fale le tatagwe. Banababo ba mo hloile gobane o be a le wa semoya. O bone dipono gomme o kgonne go hlatholla ditoro,

gomme banababo ba mo hloile, ntle le lebaka. Ge seo e be e no se be tlwa lebaka ba hloilego Jesu!

¹⁰³ Gomme hlokamelang, o be a ratwa ke tatagwe; Jesu o be a le bjalo. O rekišitšwe ka e ka ba diripana tše masometharo tša silibere; boka Jesu. O lahletšwe ka mokoting, gomme o be a swanetše go hwa; feela boka Jesu. O tšeetšwe godimo le go bewa ka kgolegong; feela boka Jesu, go sefapano. Ka gona a romelwa godimo ntlong ya Farao, gomme a ba seatla se setona sa Farao; gomme feela boka Jesu, o rotogetše godimo ka seatleng se setona sa Modimo. Gomme ge Josefa a be a tloga paleising, diphalafala di be di galagala, gomme letolo le lengwe le le lengwe le be le swanetše go thinywa, Josefa o be a etla; gomme kafao ge Jesu a tlogela Terone, le go bowa, phalafala e tla galagala, gomme letolo le lengwe le le lengwe le tla thinywa.

¹⁰⁴ O be a le ka go—O be a le ka go Dafida. Ge Dafida a gannwe go tšwa go batho ba gagwe mong, go beng kgoši, gomme a ya godimo thabeng, a lebelela morago bokagodimo ga Thaba ya Mehlware; ge a be a rakwa go tšwa go batho ba gagwe mong, o ile godimo thabeng, a lebelela morago bokagodimo ga toropokgolo, gomme a lla. Mengwaga ye makgolo seswai go tloga fao, Morwa wa Dafida o dutše godimo ga thaba ya go swana, a lla, gobane O gannwe ka toropongkgolo ya Gagwe Mong. Gomme o rile, “Jerusalema, Jerusalema, ke gakaakang Nkabego ke go alametše boka kgogotshadi e dira matsuana a yona, eupša ga se o nyake.” Le a bona? Ke Kriste ka go moloko wo mongwe le wo mongwe. Yoo e be e le Kriste ka go Dafida.

¹⁰⁵ Beibele e rile, “Moshe o tlogetše mahumo a Egepeta, maipshino le mahumo a Egepeta, a sema kgobogo ya Kriste go ba mahumo a magologolo.” Gomme o latetše Kriste ka lešokeng, e bego e le Pilara ya Mollo. Seo, gabotse, e be e le Logos yeo e tšwilego go Modimo, e bego e le Kriste, motlotšwa.

¹⁰⁶ Gomme bjale, re hwetsa gore ka go le lengwe le le lengwe la mabaka ao, ka mehla batho ga ba nyake go le dumela, gobane ba šetše ba beilwe tseleng ya bona. O tepoga khona. O aga moago. Gomme ka gona ba ya khoneng, yo mongwe le yo mongwe o kitima ka tsela ye, ga ba nyake go tepogela khoneng yela. Eupša moago o ya ka tsela yeo, ge Lentšu le re o ya ka tsela yeo. Le a bona? Fao ke mo re hwetsago magahlano ao a nako. Fao ke mo go lego bothata. Fao ke mo banna ba bego ba e tšwa mphufutšo.

¹⁰⁷ Bjale, elelwang, Modimo ga a tsoge a fetola tsela ya Gagwe ya go dira dilo; ka mehla ka Lengwalo, feela go swana. Bjale, ka matšatšing a Noage, yola e be e le Kriste a bego a le ka go Noage. Yola e be e le Noage...

¹⁰⁸ E be e le Kriste yo a bego a le ka go Moshe. Lebelelang, o ile a tswalwa ka nako, a tswalwa go ba moprofeta, gomme o ile a bewa ka mahlakanokeng; gomme feela bjalo ka ge Kriste a ile a swanelia go tlošwa nageng, ka lebaka la go gagarwa ga bana

bohle. Gomme ge a etla ntle ka lešokeng, mofi wa molao, le—le moprista, le mo—mo—mo moprefeta, le go ya pele, se sengwe le se sengwe se bontšitšepele Kriste, tlwa, pele go theoga ka baprofeta bjalo ka ge ba profetile.

¹⁰⁹ Bjale re bona Yena, Modimo, ka gona a itsebagatša ka Boyena ka go mabaka ohle. Bjang? O itsebagatša bjang Yenamong bjale? Ke semelo sefe A se šomišitšego? Semelo sa Gagwe sa go swana, go tloga mathomong: a bonagatša Lentšu la Gagwe, a dira Lentšu la Gagwe go phela. Bjoo ke boitsebišo, Lentšu le le tshepišitšwego la lebaka leo. Le a bona?

¹¹⁰ Bjale, ge Moshe a etla, o be a ka se kgone go re, “Bjale re ya go aga areka gomme re sesele ka ntle ga fa.” Woo e be e le molaetša wa Noage. Gomme bjoo ke bothata. Ge Jesu a ttile go lefelotiragalo, O hweditše Bahebere bale ba phela ka leutung la seetša se sengwe. Gomme seo ke se e lego sona lehono. Seo ke se e lego sona ka go lebaka le lengwe le le lengwe. Ba phela ka leutung la seetša se sengwe.

¹¹¹ Ke ka lebaka leo gore lena Mamethodist, ge le etla go lefelotiragalo, Luther o be a le... Le be le phela, gomme le be le phela ka leutung la lebaka la Lutheran; ga se ba kgone go amogela John Wesley. Ge Pentecostal e etla pele, Mamethodist ga se ba kgone go amogela Pentecost, gobane ba be ba phela ka leutung la Methodist. Gomme bjale ke a makala ke mohuta ofe wa leutu Mapentecostal ba phelago ka go lona? Le a bona?

¹¹² Se le nyakago go se dira ke go puruputša Mangwalo le go hwetša iri ye re phelago ka go yona, gomme ka gona se se swanetšego go ba mo ka nako yeo, le go bona ge eba Modimo o dira seo go phela le go bonagatšwa, gona seo ke selo se re—re nago le tlhathollo ya maleba go lebaka.

Bjale Jesu, ge A etla, ba rile, “Re na le Moshe.”

¹¹³ O rile, “Ge nkabe le tsebile Moshe, nkabe le Ntsebile. O ngwadile ka Nna.” O rile, “Phetlang Mangwalo, ka gore ka go Wona le nagana gore le na le Bophelo bjo Bosafelego; Ke Wona a pakago ka Nna.” Ka mantšu a mangwe, “Lebelelang ka Mangwalong.” Le a bona?

¹¹⁴ Oo, ba bile le motlxae wa bona tlase kudu. O rile, “Ee, ka metlxae ya lena, le dirile Lentšu la Modimo go hloka maatla go batho. Le ba diriša motlxae kudu, go fihla Lentšu le se na le khuetšo godimo ga bona. Ka baka la gore le re...”

Ke selo sa go swana bjale. “Ke nna se. Ke nna wa se.”

¹¹⁵ Ke botšišitše mosetsana, nako ye nngwe, “A o Mokriste?” O rile, “Ke tshuma kerese bošego bjo bongwe le bjo bongwe.” Bjale, boka seo se bile le e ka ba eng go dira le Lona.

¹¹⁶ Ke ile go rapela ka sepetlele, nkile, bakeng sa mohumagadi. O rile, “Ema. Goga tšona digaretene. Goga tšona digaretene.”

Ke rile, “Bothata ke eng?”

O rile, “Re Mamethodist.”

Ke rile, “A ga o Mokriste?”

O rile, “Ke nna Momethodist.”

¹¹⁷ Ke rile, “Gabotse, seo ke sohle. Seo se a e ruma, gona. Ga o Mokriste. O no ba Momethodist.”

¹¹⁸ Kafao gona, kafao yeo ke—yeo ke yona, le a bona, ba no se hwetše yeo. Gomme, le a bona, ba phela ka leutung la seetša se sengwe. Gomme leetu ke selo . . . Ke eng? Ke seetša sa maaka. Ke ponagatšo. Boka ke . . .

¹¹⁹ Legae la ka le ka Tucson, Arizona. Ke dula ka leganateng. Le na le miratše. Le tseba se seo se lego. Seo ke ponagatšo ya letšatši ka leganateng la go fiša, gomme o bonagatša seetša sa maaka, o se dira gore se lebege bjalo ka meetse. Ge o fihla kua, ga go meetse fao.

¹²⁰ Seo ke se leetu le lego. Gomme ke se sengwe seo se tshepišago, gomme ga o tsoge wa fihla go sona.

¹²¹ Gomme, bjale, bohlakodi bjo bogologologolo bjoo bo kilego bja ba gona ka lefaseng, e be e le bjona bohlakodi bja ditolara tše milione tše šupago bo sa tšo go dirwa ka Engelane. Bo dirilwe ka dietša tša maaka. Ba beile dietša ntle fale gomme ba fokotša lebelo la setimela, gomme ebile le Scotland Yard ga se e kgone go e hwetše. Bo be bo le bohlakodi bjo bogologologolo bjoo ba kilego ba ba le bjona ka go histori ya lefase, bo dirilwe ka seetša sa maaka.

¹²² Gomme bohlakodi bjo bogologologolo bjoo kereke ya Jesu Kriste e kilego ya ba le bjona, ke seetša sa maaka, leetu la lebaka tsoko le lengwe, ge Modimo a leka go lahlela, goba go tšweletša, go batho. Seetša sa iri.

¹²³ Ge Jesu a etla, O be a le Lentšu. Ka fao Moshe o be a le Lentšu; Moshe, baprofeta ka moka, ba be ba le Lentšu, eupša ba be ba le Lentšu ka karolo. O be a le Lentšu ka bottlalo. O be a le bottlalo bja Lentšu. O be a le Lentšu.

¹²⁴ Gomme ka gona ba be ba phela ka go le—le leetu la go panyapanya la lebaka la Moshe. O rile, “Ge nkabe le tsebile Moshe, nkabe le Ntsebile, ka gore Moshe o ngwadile ka Nna.”

¹²⁵ Ba rile, “Gabotse, ga se O šo wa ba bogolo bja mengwaga ye masometlhano, gomme o re O bone Abraham, bjale re a tseba O a gafa.”

O rile, “Pele Abraham a bile, KE NNA.”

¹²⁶ Yena “KE NNA” o be a le ka sethogweng se se tukago. Yeo e be e le Pilara ya Mollo. Le a bona? O be a le “KE NNA.” “O a swana maabane, lehono, le go ya go ile,” Beibele e rile, “Jesu Kriste.” Dimelo tša gagwe ga di fetoge, le gatee. Mantšu a Gagwe a a swana.

¹²⁷ Ke karolo ya Lentšu go lebaka le lengwe le le lengwe. Gomme O e dira e tsebje bjang? O e dira e tsebje ka bahlanka ba Gagwe, baprofeta. O bohle . . . Moprefeta o kwešištše bjang? Ge a profeta e ka ba eng, gomme gwa tla go phethega.

¹²⁸ Bjale, baprofeta bjale, ka matšatšing a, re na le dimpho tša baprofeta . . . dimpho tša seprofeto, a ke re. O bea diatla godimo, le go rapela, gomme o . . . Dimpho di tla ka gare, ka go dimpho tše senyane tša semoya, ka kerekeng. Ke gore, pele seprofeto se ka amogelwa ke kereke, se swanetše go ahlolwa ke moahlodi ba bahlano ba semoya . . . goba baahlodi ba bararo ba semoya.

¹²⁹ Eupša, e sego moprofeta. Moprefeta o tswetšwe moprofeta. “Dimpho le dipitšo di ka ntle ga tshokologo.” Ke se sengwe seo se lego ka go wena. Ke se sengwe se tswetšwego ka go wena. Modimo o se beile ka go wena.

Gobaneng, Moshe o tswetšwe a le moprofeta.

¹³⁰ Jeremia, Beibele e rile, gobaneng, e rile . . . Modimo o rile go Jeremia, o rile, “Pele ebile o ka bopega ka popelong ya mmago, Ke go hlwekištše le go go bea moprofeta go ditšhaba.”

¹³¹ Johane Mokolobetši, mengwaga ye makgološupa le lesomepedi pele a tswalwa, Jesaya o mmone, “Segalontšu sa yo a goelelago ka lešokeng.” Tatagwe e be e le moprista. Yena . . . Ke, ka tlwaelo, ba ya morago le go tsea mošomo wa tatago bona. Eupša mošomo wa gagwe o be o le bohlokwa kudu. O ile a swanelwa ke go tsebatša Mesia. Ka fao o ile a ya ka lešokeng. Ga se thuto; o be a sa hloke thuto. O ile a swanelwa go ba le kutollo ya thwi, Mesia yo o be a le Mang.

¹³² Gomme o Mo tsebile. O rile, “Ke bea bohlatse, ke bone Moya wa Modimo, bjalo ka leeba, o theogela godimo ga Gagwe, le segalontšu go tšwa Legodimong, se re, ‘Yo ke Morwa moratwa wa Ka.’ Yo ke Yena.”

¹³³ Ge nkabe a be a le ka seminaring tsoko, goba se sengwe, ba rile, “Bjale, o tseba Ngwanešu Jones, godimo fa, o no lebega boka Mesia,” le a bona, a hlohleletšwa.

¹³⁴ Eupša, mošomo wa gagwe o be o le bohlokwa kudu. O ile a swanelwa go tsena ka lešokeng le go dula a nnoši le Modimo. Ge a tšwela ka ntle, o be a se na le thuto. O boletše bjalo ka banna. O rile, “Oo, lena moloko wa marabe, goba dinoga ka bjanyeng.”

¹³⁵ Bjale ge e be e le monna tsoko wa go rutega, o be a ka kgona go bolela lentšu le lengwe, le a tseba, “Wena seripa se sennyane sa go šitela,” goba selo se sengwe. Eupša o tlišitše selo se sengwe gape, eupša a ka be a—a ka be a tlišitše le lengwe la godimo, lentšu la maitshwaro goba se sengwe, thuto ya gagwe.

¹³⁶ Eupša Johane o rile, “Go be go le go gogoba le go thedimoga bjalo ka noga.” Seo ke se a se bonego ntle ka lešokeng. O rile, “Lena moloko wa dinoga, ke mang a le seboditšego go tšhabela bogale bjo bo tlago? Le se nagane gore, ‘Ke rena ba ye, gomme

ke rena ba *yela'* le ne e ka ba eng." Ke a makala ge eba o be a ka se bolele selo sa go swana lehono? "Modimo o kgona ka matlapa a go tsošetša Abraham bana." *Maswika a*, se a se bonego. Gape, "Selepe se beilwe modung wa mohlare." Se a se bonego ka lešokeng. "Mohlare wo mongwe le wo mongwe woo o sa tšweletšego kenywa ye botse, mehlare ya dikenywa tša go ripa, o matloletšwe fase le go lahlelwa mollong." Le a bona? Dithero tša gagwe e be e le dikai. Eupša o—o be a le tlwa se Modimo a mmeetšego go ba. Le a bona? O be a le mopropfeta yola. Ba be ba se na le mopropfeta lebaka la makgolo a mengwaga. Hlokamelang, eupša Modimo o mo kgolokile le go mo dira.

¹³⁷ Re hwetša, Jeremia, a etla go lefelotiragalo, re hwetša, baprofeta ba go fapania ba etla go lefelotiragalo, ga re kgone go tseba moo ba tšwago. Ba nno tsoga gomme ba tloga. Modimo o ba šomišitše, le go ba tswalelala, o ba rometše kgole, gomme seo e bile sohle. Molaetša o ile pele. Lentšu le ile la tiišetšwa. Gomme le ile go moloko wo mongwe, morago ba agile godimo ga se baprofeta ba ba se dirilego. Gomme ba . . .

¹³⁸ Ka gona ge A etla mmogo, Jesu o rile, "Le botsefaditše maboto, le—le mabitla a baprofeta, gomme ke lena le ba beilego ka kua." Le a bona?

¹³⁹ Monna o tla tsogela godimo ka molaetša, le go rera molaetša wo, le go fa molaetša wa iri, gomme ka gona morago ga lebakana a bolawa, le go bewa ka lebitleng. Gomme mengwaga go ya pele, ba aga mokgatlo ka godimo ga *se*, gomme ka godimo ga *seo* go tla se sengwe gape. Le dira eng? Molaetša wa monna o šetše o ile pele. O ka go histori. Re gatelela pele, re lebeletše pele.

¹⁴⁰ Saense ga e lebelele morago le go bolela se saense tsoko e se bolelago. Ke badile moo saense e netefaditšego, ka go kgokološa kgwele; gomme—gomme—gomme godimo ka Fora, e ka ba mengwaga ye makgolotharo ya go feta, "Ge motho a ka tsoge a ya ka lebelo la go šiiša la dimaele tše masometharo tlhano ka iri, o tla tlogela lefase." Gomme ke tla tlase fa e ka ba dimaele tše masometshela ka iri. Le a bona? Kafao saense ga e šupetše morago go seo. Ba tšwelapele ba gatelela pele. Ba mo hweditše bjale a eya dimaele tše makgolo ka iri. Gomme feela . . . Ga ba eme go seo. Ba no tšwelapele ba gatelela.

¹⁴¹ Eupša, rena, re lebeletše morago go bona se, "Finney o boletše eng? Sankey o boletše eng? Moody o boletše eng?" Ba be ba le banna ba bakaone; go bile bjalo ka Moshe le Josefa. Gomme lela e be e le lebaka le lengwe.

¹⁴² A re boneng se Lentšu le se bolelago, lehono, Jesu Kriste o sona. O a swana maabane, lehono, le go ya go ile. Gomme tsela e nnoši re ka tsogego ra tseba se A lego sona lehono, ke go hwetša se A bego a le sona maabane, gona le tla bona se A lego sona.

¹⁴³ Bjale, ga re ne nako go bea bontši kudu bja yona, bošegong bjo, gobane re no ba le metsotso e se mekae e šetšego.

Hlokamelang. Lentšu le le beetšwego lebaka le lengwe le le lengwe, ge Lentšu leo le dirwa go bonagala, yoo ke Kriste wa letšatši leo, go no swana le ge go bile ka go le lengwe le le lengwe la matšatši.

¹⁴⁴ Bjale, ge re hwetša Jesu a etla go—go lefelotiragalo, O gannwe, efela, O be a le Lentšu le le tshepišitšwego. Bjale, ka go Doiteronomio 18:15, Moshe o rile, “Morena Modimo wa lena o tla tsoša Moporfeta wa go swana le nna. Gomme go tla direga gore mang le mang a ka se kwego Moporfeta yo, o tla ripša go tloga magareng ga batho.” Bjale O be a le fao, tlwa Moporfeta wa lebaka leo, gomme barutiši ba letšatši leo ga se ba e bona. Mafelelong ba Mmolaile. Le a bona? Gomme O dirile feela tlwa.

¹⁴⁵ O tswetšwe ke kgarebe. Ga se ba dumela seo. “Seo e be e le sehlopha sa bohlanya.” Eupša re a e dumela bjale, ka morago ga ge e netefaditswe.

¹⁴⁶ Joan wa Arc, ge a tsogile go lefelotiragalo morago fale ka Fora, Mokurukuru wa Fora, lena batho ba Katoliki le dirile eng? Le mmolaile, bakeng sa moloi, gobane o bone dipono, a hlatholla ditoro. Mengwaga ye makgolopedi moragwana, le dirile boitsholo, le epolotše mmele wa baprista bale, bale ba ba bolailego le go mo tšuma koteng, gomme la ba lahlela ka nokeng. Bjoo ke boitsholo bja lena. Le a bona?

¹⁴⁷ Ga se la ke la tseba Mokgethwa Patrick ge a be a le lefaseng, e bego e le Sucat. Ga se la ke la mo tseba. Le mo tleleima go ba yo mongwe wa bakgethwa; lebelelang ke dikete tše kae tša bana ba gagwe le ba bolailego kua ka Ireland. Le a bona?

¹⁴⁸ Ke ka morago ga ge gohle go fedile, go hlatsela ga lona go ile, morago ba aga lebitla go yona. Molaetša o šetše o fetile le go ya ka go se sengwe gape. Motho ka mehla o reta Modimo go se A se dirilego, a lebeletše pele go se A tla se dirago, gomme a hlokonomologa se A se dirago. Seo ke se sebotse ka fao diabolo a ba nyakago ba eba, dirutegi tša bodumedi kudu le barutiši: go netefatša se A se dirilego, le go netefatša se A yago go se dira, gomme ba hlokonomologa se A se dirago. Le a bona? Fao ke mo ka mehla go bilego, go swana. Pele le pele re ka kgona go ya, go kgabola seo.

¹⁴⁹ Eupša a re yeng morago feela lebaka la metsotsa e se mekae bjale gomme re tsebagatše se Jesu a bilego ge A be a le lefaseng. Gomme re tla hwetša se A bego a le sona nako yeo, se A bilego ka go mabaka a mangwe, gona e tla swanela go ba selo sa go swana ka go lebaka le, go e lokiša. Bjale re hwetša, ge A etla go lefelotiragalo, ga re ne . . .

¹⁵⁰ Re tsebile O be a le Lentšu. O be a le Lentšu. Gomme Lentšu ka mehla le phošolla phošo. A le dumela seo?

¹⁵¹ Feela bakeng sa kgopolole nnyane fa, lebelelang go . . . lena batho le rapelago Maria. Le a bona? O rile Moya wo Mokgethwa

o mo alametše le go tliša pele Morwa yo, gomme, “E be e le wa Moya wo Mokgethwa.”

¹⁵² Ka gona ge A be a le e ka ba mengwaga ye lesomepedi bogolo, ba be ba le godimo ka Jerusalema, mo moketeng wa Paseka, gomme ge ba . . . goba Pentecost. Gomme ge ba etla morago tlase, e be e le leeto la matšatši a mararo, ba be ba Mo timeditše. Ka fao ba ya morago go Mo hwetša, gomme O be a le fale ka otithoriamong yela kua, kereke, go no ngangišana le baprista bale le dilo. Gomme kafao mme wa Gagwe o sepeletše godimo, yena le Josefa. Gomme o rile, “Tatago le nna re Go nyakile ka megokgo.” Le a bona? Pele ga baprista bale, o ganne bopaki bja gagwe mong, a bitša Josefa tate wa Gagwe. Le a bona? O boletše gore “Modimo” o be a le Tate wa Gagwe, gomme mo o rile, “Tatago le nna re nyakile ka megokgo.”

¹⁵³ Šetšang Lentšu lela. Mošemane yola wa bogolo bja mengwaga ye lesomepedi, ka nnete, ka kgonagalo go sego go tsena sekolo ga letšatši ka bophelong bja Gagwe. Šetšang Lentšu lela, go le bjalo. O be a le Lentšu. O rile, “A ga le tsebe gore Ke swanetše go ba modirong wa Tate wa Ka?” Ge Josefa a be a le tate wa Gagwe, O be a tla ba le yena tlase fale ka lebenkeleng la mmetli. Eupša Tate wa Gagwe e be e le Modimo, gomme O be a otlolla baprista bale. Seo, gomme fao O tla “ba ka go mošomo wa Tate wa Ka.” Le bona Lentšu le phošolla phošo. Ka mehla le a dira, nako ye nngwe le ye nngwe. Ga se a ke, go molaleng ga se a ke a e bona, gomme a ya pele, a phopholetša thwi mmogo. Batho ba dira selo sa go swana lehono.

¹⁵⁴ Eupša a nke Modimo a re phediše bjale, metsotso ye e sego mekiae ye e latelago, go bona se A bego a le sona.

¹⁵⁵ Bjale re a hwetša, go tšwa go kolobetšo ya Gagwe, go ya ka lešokeng, gomme O tšwa lešokeng.

¹⁵⁶ Gomme go be go le moisa, ka leina la Andrea, o be a tsenetše kopano ya Johane. Gomme o be a sa kgone go hwetša ngwanabo, Simone, go—go ya kopanong. Mafelelong, letšatši le lengwe, ge ba be ba hlatswa malokwa a bona, o—o tlide lefelong moo a—a kopanego le Jesu. Gomme Simone o tsebile, ka pelong ya gagwe . . .

¹⁵⁷ Ke badile kanegelo ye nnyane ka yona, mo e sego kgale kudu, ya Simone. Tatagwe, Jona, ke modumedi yo mogolo, ke Bafarisei. O boletše gore, “Makga a mantši . . . Morwa, ke a tšofala le go pudufala.” O rile, “Ke—ke rapetše makga a mantši kudu go Modimo go—go ntira ke bone Mesia.” Gomme o rile, “Re tshepetše go Modimo bakeng sa hlapi ya rena, bakeng sa boiphedišo bja rena. Gomme—gomme mmago o ile bjale, gomme go lebega o ka re nka se kgone go Mmona. Ke—ke tšofala kudu.” Gomme o rile, “Bjale, morwa, ke nyaka o dule fa hleng le nna. Ke nyaka go botša.”

¹⁵⁸ “Bjale, feela pele Mesia yola a tsoga, go tla ba le mehuta yohle ya dilo tša maaka di yago pele. Seo ke go Sathane.” O rile, “Eupša elelwa, o tla tseba feela Mesia, ka mehla dula le Lentšu. Moshe o rile, ‘Morena Modimo wa rena o tla tsoša Moprefeta.’ Bjale, ga se ra ke ra ba le yo motee lebaka la makgolo a mengwaga. Eupša go tla ba Moprefeta, Moprefeta yo a tsebagaditšwego a tsoga magareng ga batho, yoo e tla ba Mesia. O tla ba Yena wa go latela.”

¹⁵⁹ Ka gona ge Andrea a mo tšeetše tlase go bona Jesu, le go mmotša ka ga Johane a rera, gomme a re Mesia o be a etla, go yena e be e le, gabotse, feela moisa yo mongwe a feta go kgabola.

¹⁶⁰ Kafao, letšatši le lengwe, Simone o tlie thwi ka Bogoneng bja Morena Jesu Yenamong. Gomme Jesu o mo lebeletše gomme o rile—o mo lebeletše gomme o rile, “Leina la gago ke Simone, gomme o morwa wa Jona.” Seo se e dirile. Le a bona?

¹⁶¹ Bjale, ke ba bakae ba tsebago gore yeo ke tholwana ya Lentšu la Modimo? Kgonthé. Bjale, Bahebere, tema ya 4, temana ya 12 e rile, “Lentšu la Modimo le bogajana go feta Tšoša ya magalemabedi, le mohlathi wa dikgopololo tše di lego ka pelong.” Seo ke se bona baprofeta ba bilego. Bona, ke moo ba bonegopele dilo, le a bona, gomme e be e le nneta tlwa, gobane e be e le Lentšu la lebaka leo. Ge o kwešiša seo, e no phagamiša seatla sa gago, ka setu. Ka fao, le a bona, e be e le Lentšu la lebaka leo. Seo ke se se ba tsebagaditšego moprofeta.

¹⁶² Bjale, moprofeta, lentšu la rena—la rena la Seisimane moprofeta, le ra “moreri.”

¹⁶³ Eupša ka go Testamente ya Kgale, e be e se moprofeta tlwa, e be e le mmoni. Gomme mmoni o boleletšepele dilo tše di tla diregago. Gomme, gape, tše o be e le ditshwanelo tša gagwe bjalo ka mohlatholli yo mokgethwa wa Lentšu le le ngwadilwego, gobane bodiredi bja gagwe mong bo be bo bonagatša Lentšu lela. Le a bona? Kafao seo se mo dirile moprofeta.

¹⁶⁴ Kafao ge Jesu a tlie, O dirile tlwa seo, O lebeletše thwi fase, o boletše. Ga se A mo tseba feela, ka leina, e lego Simone, O tsebile tatagwe, Jona, gape. Gomme o tsebile nako yeo se tatagwe a mmoditšego, gore Mesia yola o tla ba moprofeta.

¹⁶⁵ Bjale, e be e se ka phodišo. Ba bile le diphodišo, mogobeng wa Bethesada, le tšohle. Modimo o dirile tsela ya phodišo bakeng sa batho ba Gagwe, gohle go bapa. Eupša mo go be go le Mesia yo a tsebagaditšwego.

¹⁶⁶ Ka pela, Jesu, goba, ntshwareleng, Simone o lemogile seo, gomme Jesu o mmoditše, godimo ga boipolelo bja gagwe, leina la gagwe le tla bitšwa, le a tseba, “Petro.”

¹⁶⁷ Ka gona re hwetša go be go le yo motee a eme kua, ka leina la moisa yo mongwe yo moswa, yola ka leina la Filipi. Gomme o bile

le mogwera; ba be ba ithuta Mangwalo mmogo. O kile wa ba ka Palestina, lebelela moo ba bego ba rera. Gomme o ile go dikologa thaba, e ka ba dimaele tše lesometlhano. Gomme o hweditše Nathaniele ka tlase ga mo—mo mohlare, gobane Nathaniele o bile le se—se—se serapa sa mohlware. Gomme kafao, go yeng ntle fale, o mo hweditše ka tlase ga mohlare a rapela. O rile, “Etla, bona Yo re mo hweditšego, Jesu wa Nasaretha, morwa wa Josefa.” O rile, “Etla. Etla, o bone. Re Mo hweditše.”

¹⁶⁸ Gomme ka gona, le a tseba, ka nnete, mothaka yo, ka go ba mo—mo moisa yo mokaone ka kgonthe, o rile, “Bjale a go ka ba le e ka ba eng e botse e tšwago Nasaretha?”

¹⁶⁹ O mo fa karabo ye kaonekaone yeo monna a ka kgonago go e fa yo monngwe. “Etla, o bone.” “Le se dule gae gomme la swaswalatša. Etlang, tlišang Beibele, a re E puruputšeng.”

¹⁷⁰ Bjale, ntle le go kamaka, go dikologa thoko ga thaba ba ile ba bolela, o rile, “Bjale, o a tseba, re a tseba gore ge Mesia a etla, O ya go ba moprofeta.”

“Oo, ee, Moshe o re boditše seo. Re lebeletše moprofeta.”

¹⁷¹ Gomme, ka nnete, batho ba naganne gore, “Ge Mesia a etla, gore Modimo o tla dira mekgoba go theoga, gomme O be a tla tla thwi tlase mabaleng a tempele, gomme a re, ‘Kayafa, Ke gorogile.’” Eupša Modimo ga a dire dilo ka tsela yeo.

¹⁷² O e dira bonolo kudu. O no dira Kereke ya Gagwe. Seo ke se A lego ka morago ga sona, Kereke ya Gagwe.

¹⁷³ Kafao re hwetša, gore o rile, “O tseba motheadihlapi yola wa kgale o mo rekišeditšego hlapi tsoko, goba go go rekišetša hlapi tsoko, nako ye nngwe, o be a se ne thuto ya go lekanelo go saena leina la gagwe bakeng sa rasiti yela?”

“Ya. Simone.”

¹⁷⁴ “O mmoditše leina la gagwe e be e le Simone, gomme o mmoditše tatagwe o be a le mang—mang. Gabotse, go ka se mmakatše A ka se go botše o mang ge o etla godimo.”

“Gabotse, re tla ya go bona.”

¹⁷⁵ O tlie godimo pele ga Jesu, kae kapa kae e bego e le, mohlomongwe ka mothalong wa thapelo, goba eng kapa eng e bego e le yona, gomme a tla godimo. Jesu, a rapelela balwetši. Gomme O mo lebeletše. O rile, “Bonang Moisraele yo ka go yena go sego bomenetša.”

¹⁷⁶ Nna, seo se mo phohlišitše. O rile, “Rabi,” go rago morutiši, “ke neng O kilego wa mpona? O ntsebile bjang?”

¹⁷⁷ O rile, “Pele Filipi a go bitša, ge o be o le ka tlase ga mohlare, Ke go bone.”

¹⁷⁸ Seo se e dirile. O rile, “Rabi, Wena o Morwa wa Modimo. Wena o Kgoši ya Israele.” Le a bona? Monna yola ka kgonthe o be a hlahlilwe. O tsebile gore Mesia yoo a tla bago bo—bo boitsebišo,

ka gobane O swanetše go ba moprofeta. Le a bona? Ka gore, O be a swanetše go ba Lentšu. Gomme ba be ba se na le yo motee mengwageng ye makgolonne, kafao mo go be go le Monna yo a itsebagaditšego ka Boyena, tlwa. Yoo e be e le Jesu, maabane.

¹⁷⁹ Bjale, re ka kgona go ya go kgabola baanegwa ba bantši gape, eupša go no ba feta lebaka la nakwana.

¹⁸⁰ Go be go le magoro a mararo a batho lefaseng, bao e lego barwa ba bararo ba Noage: Hama, Seme, le Jafete; gomme bao e be e le Mojuda, Mosamaria, le Montle. Bjale, rena Bantle, Maanglo-Saxon, ga se ra lebelela Mesia. Re bile le tlelapo mokokotlong wa rena, le go rapela medingwana ya maitirelo, Baroma, le eng gape bjalo ka ge re bile. Eupša Basamaria ba be ba lebeletše Mesia.

¹⁸¹ Gomme O tla feela go bao ba Mo lebeletšego. Modimo ka mehla o dira seo. O tla go ba Gagwe Mong. Bjale, hlokamelang.

¹⁸² O be a eya tlase Jeriko, eupša O bile le lebaka A ilego a swanela go ya morago godimo tikologong ka Samaria, gomme O tlie toropongkolo ya go bitšwa Sikara. Gomme ge A rometše barutiwa kgole, go hwetša dijo, O be a dutše fale. Gomme mosadi, mohlomongwe motho yo monnyane wa go ratega o lebeletše, o tlie ntle sedibeng e ka ba ka iri ya lesometee. Gobane, o be a ka se kgone go tla mosong le dikgarebe tše dingwe tše di tliego, gomme kafao o tlie ntle. O be a le—o be a le tumo ye mpe. Re tseba se seo se lego. Gomme kafao, yena, ka kgonagalo moriri wa gagwe o lekeletše tlase ka sefahlegong sa gagwe. Gomme o tlie ntle, go bea jeke ya meetse fase. E be e le mohuta wa go swana le tšeke ka mekgoko godimo ga yona. O beile khwehla godimo ga yona, go e theošetsa fase.

¹⁸³ O kwele yo mongwe a re, “Ntlišetše seno.” Gomme o lebeletše godimo. O bone Monna wa mengwaga ya magareng a eme fale, a dutše fale kgahlanong le leboto, tebelelolefelo se sengwe mo lenaneong la se fa. Gomme O be a dutše godimo fale kgahlanong le merara. Toropokgolo gabotse e sa eme go swana lehono. Gomme o rile, “Ntlišetše seno.”

¹⁸⁴ Gomme O be a le Mojuda. Kafao, ba be ba na le kgethologanyo kua, le bona, kafao o rile, “Ga se...Re ka se kgone. Ga go bohlokwa. Ga wa swanela go dira seo. O—O—O Mojuda, gomme ke nna mosadi wa Mosamaria. Ga—ga re na tirišano ye e itšego rena seng.”

¹⁸⁵ O rile, “Eupša, ge nkabe o tsebile Yo o bego o bolela le yena, o be o tla Nkgopela seno. Ke be ke tla go fa Meetse ao o sa tlego mo go a ga.” Le a bona, O be a leka go dira eng? Go kgokagana le moywa gagwe, bjale. Le a bona?

¹⁸⁶ Kafao, o rile, “Gobaneng, re rapela ka thabeng ye. Gomme O re, ‘ka Jerusalema.’”

¹⁸⁷ Gomme ba ile pele, ba bolela gannyane nthatana. Mafelelong, O hweditše moo bothata bja gagwe bo bego bo le. O bile le bannabagatša ba bantši kudu. O rile, “Sepela o bitše monnamogatša wa gago, le tla fa.”

O rile, “Ga ke ne monnamogatša.”

¹⁸⁸ O rile, “Yeo ke nnete. O na le ba bahlano, gomme yo o dulago le yena ga se wa gago. O rile . . .”

Kafao lebelelang phapano gare ga gagwe le baprista bale.

¹⁸⁹ Ge baprista bale ba bone seo se dirwa, ba ile ba swanela go araba phuthego ya bona. E dirilwe. Le a bona? Ba—ba ile ba swanela go bolela se sengwe, kafao ba rile, “Monna yo ke Beletsebubu, mmolelelamahlatse, mohuta tsoko wa diabolo.” Ba rile, “O dira seo ka maatla a Beletsebubu.” Seo ke se baprista ba se boletsego.

¹⁹⁰ Mosadi yo monnyane yo o rileng? “Mohlomphegi, ke a bona gore O Moprefeta. Re a tseba, ge Mesia a etla, seo e ya go ba leswao la Gagwe. Seo ke se A tla se dirago. O tla ba Moprefeta.”

¹⁹¹ Jesu o rile, “Ke nna Yo a bolelago le wena.” Oo, nna! Seo se e dirile. Le a bona?

¹⁹² Yoo e be e le Jesu Kriste maabane. Yoo e be e tla ba Jesu Kriste lehono, le go ba go ya go ile. A yeo ke nnete? Seo ke se A lego. Yena ke Lentšu le dirilwe go bonagala, gomme Lentšu la letšatši leo le tla fase gomme la itsebiša ka Bolona.

¹⁹³ Gomme, bjale, O rile O be a eya go dira seo gape, go bowa, moperfeta. A ka se kgone go ya bokagodimo ga baprefeta ba Gagwe, ka baka la gore ke Lentšu. Bjale, O hwetše tlhwekišo ya rena, o rometše morago Moya wo Mokgethwa godimo ga rena, bjale hlokamelang, go dira mošomo. Bjale, moperfeta o rile, “Go tla ba le letšatši leo le ka se bego mosegare goba bošego, eupša nakong ya mantšiboa go tla ba le Seetša.”

¹⁹⁴ Bjale letšatši le hlaba ka bohlabela gomme le dikela ka bodikela. Go ya ka thutafase, ke ka tsela ye le kitimago. Tlhabologo e sepetše le letšatši, go bjalo le ka Ebangedi. Elelwang, Ebangedi e thomile morago ka Yropa; e kgabagantsše mošola wa mawatle, go ya ka—ka Jeremane; go tloga Jeremane, go ya ka Engelane; go tloga Engelane, go kgabaganya tšhanele go ya United States ka Lebopong la Bohlabela, gomme e šetše e ile Bodikela. Bjale, ge e eya bokgole bjo bo itšego, e tla morago Bohlabela gape. Re bofelong.

¹⁹⁵ Bjale go bile le letšatši, ge Morwa yola a tsogile morago kua mathomong, M-o-r-w-a wa Modimo o tlide lefaseng. Bjale, O tshepišitše gape nakong ya mantšiboa. Bjale, re bile le letšatši la leutu. Re bile le dikopano tše kgolo. Re fodišitše balwetši. Re bile le dinako tše kgolo. Gomme re dirile mekgatlo, le dikolo, le dipetlele, le disiminari, seo se lokilego, e no ba letšatši la leutu. Eupša O tshepišitše, “Feeala pele bošego bo etla, go tla ba Seetša.”

¹⁹⁶ Bjale, Jesu o rile, ka go Mokgethwa Luka tema ya 17, O rile, "Bjalo ka ge go bile matšatšing a Sodoma." Bjale theetšang sekgauswi. Ke a tswalela. "Bjalo ka ge go bile bjalo ka matšatšing a Sodoma, go tla ba bjalo ka go Tleng ga Morwa wa motho." Bjale, bohole re tseba seo. Bjale, O badile Beibele ya go swana, ka go Genesi, ye re e balago.

¹⁹⁷ Gomme šetšang peakanyo ka Sodoma. Bjale, ka Sodoma, go be go le magoro a mararo a batho. Ka mehla go ne magoro a mararo a batho: bao ke badumedi, baitirabadumedi, le basedumele.

¹⁹⁸ Bjale, fa go be go le Abraham, leina la gagwe le be le fetotšwe go tloga go Abram go ya go Abraham, le rilego, "ttago ditšhaba." Gomme o be a ka se kgone go ba le lesea ge feela leina la gagwe e be e le Abram. Le ile la swanelwa ke go fetolelwga go Abraham, ka gore *ham* go ra gore "ttago ditšhaba," bjale hlokamelang, "ttago ditšhaba."

¹⁹⁹ Bjale hlokamelang, lefelotiragalo ga se la ke la bewa, ka go lefase lohle, go swana le ka fao le lego thwi bjale. Bjale re bona se sengwe le se sengwe tlwa ka mothalong wa Sodoma. Ge o sa e dumele, tloša meritši ya gago mahlong a gago, gomme o sepelele ntle gomme o lebelele mokgotheng letšatsi le lengwe le le lengwe. Lebelelang, dikuranta, kae kapa kae le nyakago. Ke Sodoma, tlwa. Le a bona?

Gomme fao go be go le Loto, tlase ka Sodoma.

²⁰⁰ Eupša mo go be go le Abraham, e be e le mokgethiwa, yo motee ka tshepišo, o—o be a se ka Sodoma. Ga se a ye tlase fale. O bileditšwe ntle.

²⁰¹ Bjale, go na le dihlopha tše tharo tša batho. Go be go le modumedi wa mmapale; gomme go be go le yo bololo, moo morutiši e ka ba ofe a tla go botšago gore Loto o be a emela kereke ya mehleng ye e bego e le ka Sodoma; gomme go be go le Mosodoma nako yeo. Bjale hlokamelang. Feelal pele... Ba be...

²⁰² Abraham le Loto ba be ba lebeletše tshepišo, morwa wa mehlolo. A yeo ke nnete? A seo ke se Kereke e se lebeletšego lehono? Go bowa ga Morwa yo, Jesu Kriste, Morwa wa Modimo, re Mo lebeletše go tla.

²⁰³ Bjale lebelelang maemo. Yo mongwe le yo mongwe o tla amogela o ka seemong sa Sodoma. Ke fetile godimo ga California, mo letšatsi le lengwe, gomme ka swara kgatišobaka, goba pampiri, ka bala moo, "Mahomoseke a oketšegile ka phesente tše masometshela, ka ngwageng wa go feta." Le a bona? Oo, nna! Go a šokiša. Le a bona? E no ba ka gobane basadi ba itahletše kgole bonabeng. Yeo ke nnete. Gomme feela mo mokgotheng, ba hlobotše. Gomme e no ba—e no ba dihlong. Eupša Beibele e rile ba tla ba ka tsela yeo. Gomme ebile le go batho, e no ba ba—ba—ba a fetolwa. Le a bona? Gomme e ya go befa. Ka go le lengwe—le lengwe, ge lefase le ka ema, mengwaga

ye mengwe ye masometlhano, lefase ka moka le tla be le gafa ka go felela. Lebelelang go hlamatsega go tloga go masomenne, go tloga go mengwaga ye masomepedi ya go feta, go fihla nako ye. Le a bona?

²⁰⁴ Bjale lebelelang peakanyo. Abraham šo, mokgethiwa, o bileditšwe ntle mo bjale. Gomme go na le Loto tlase ka Sodoma. Gomme Barongwa ba bararo ba tlie. Barongwa ba babedi ba ile tlase ka gare, go bolela le Loto, gomme ba rerile Lentšu, le go leka go ntšhetša Loto ka ntle ga fao. A yeo ke nnete? Eupša yo Motee yo a šetšego morago le Abraham, ga se a ke A leka go ntšhetša Abraham ka ntle ga eng kapa eng, ka baka la gore o be a šetše a le ka ntle. Le a bona? O be a le ka ntle.

²⁰⁵ Eupša šetšang ke mohuta ofe wa leswao A o dirilego. Bjale lebelelang. O be a dutše ka magetla a Gagwe a šotologetše tente, gomme Sarah o be a le ka tenteng, ka morago ga Gagwe. O be a se a ke a mmona, go le bjalo. Gomme elelwang, feela letšatši goba a mabedi pele ga fao, leina la gagwe e be e le Abram; gomme, yena, o be a le Sarai. Bjale ke Sarah, S-a-r-a-h. Yena ke A-b-r-a-h-a-m. O rile, “Abraham, mosadimogatša wa gago o kae, Sarah?” S-a-r-a-h.

O rile, “O ka tenteng, ka morago ga Gago.”

²⁰⁶ O rile, “Ke ya go go etela go ya ka nako ya bophelo.” Bjale, o be a lebeletše ngwana yola lebaka la mengwaga ye masomepedi tlhano. O kgauswi le lekgolo bjale. O lekgolo. O masomesenyane. O rile—o rile, “Ke ya go go etela go ya ka nako ya bophelo, gomme o ya go ba le morwa yola.”

²⁰⁷ Gomme Sarah, o bile mohuta wa go sega, le a tseba, go yenamong. O rile, “Nna, mokgekolo?” Le a bona? Bjalo ka... Re batheeletši ba go hlakahlakana, eupša le tseba se ke se rago. Bjalo ka monna le mosadimogatša, kamano ya lapa e bile mengwaga, le mengwaga, le mengwaga, go feta, le a bona, gobane o be a le lekgolo gomme mosadi a le masomesenyane, a kgekotše. O rile, “Nna ka ba le mantsikinyane le morena wa ka, Abraham, gomme yena a tšofetše, le yena?” Le a bona?

²⁰⁸ Gomme ka gona Monna yo, ka magetla a Gagwe a šotologetše tente, o rile, “Gobaneng Abraham...” Goba, “Gobaneng Sarah a segile ka tenteng, a bolela dilo tše di ka se kgone go ba?”

²⁰⁹ Abraham o Mmiditše, “Elohim.” Yoo e be e le Modimo. Elohim ke—ke “Yena mobagona ka Boyena,” le a bona, *Molekanelo Gohle*, Mabagona ka Boyena. “Mathomong Modimo...” Tsea lentšu leo *Modimo*, le lebelele morago kua, go swana, o fetoletše selo se se swanago, “Elohim.” Boyena-... Go bile Elohim a bonagaditšwe nameng, yo a ilego a ja nama ya namane, a nwa maswi go tšwa kgomong, gomme a ja borotho. Gomme a dula, a bolela le Abraham. Gomme Abraham o tsebile gore O kgonne go hlatha se se bego se le ka megopolong ya

Sarah morago kua, gomme ke ka baka leo a tsebilego gore e be e le Elohim.

²¹⁰ Jesu o rile, hlokamelang, “Ka matšatšing a ge Morwa wa motho a tla utollwa, go utollwa ka matšatšing a mafelelo, go tla swana le ka fao go bilego ka matšatšing a Sodoma.” Modimo a bonagaditšwe ka Kerekeng ya Gagwe, batho, a ikutolla ka Boyena, le a bona, ka nameng ya motho, go swana le ka fao A bego a le ka gona nako yela. Bjale lebelelang.

²¹¹ Ke nyaka go le botšiša se sengwe. Ka go mabaka ohle, ge e sa le kereke pele e thoma, ga se ba ke ba tsoge ba ba le motseta go bona yo leina la gagwe le feletségo ka h-a-m, go fihla bjale, G-r-a-h-a-m. Nnete. Tlase kua, ba ba biletša ntle, Oral Roberts, le Billy Graham, le a bona, h-a-m. Go bile le Moody, Sankey, Finney, Wesley, Billy Sunday, bona bohle, le a bona, kereke ya boditshabatšhaba ka mokgwa woo, kereke ya lefase! . . . ? . . . Ga se nke gwa ke gwa ba le o tee a felela ka h-a-m go fihla gonabjale, gomme yoo ke Billy Graham. Le a bona? Gomme ao ke maletere a tshela, G-r-a-h-a-m, tshela, go rago . . . Motho o tswetšwe, o hlotšwe ka letšatši la boselela. Tshela ke nomoro ya motho. Šole yena, go kereke ya tlhago.

²¹² Abraham e be e le A-b-r-a-h-a-m, ditlhaka tše šupa. Le a bona? Lebelelang peakanyo ya lehono, gomme lebelelang se se diregago. Abraham o bone maswao a mantši le matete, le se sengwe le se sengwe seo Modimo a se dirilego. Kereke e bjalo. O amogetše Moya wo Mokgethwa, o boletše ka maleme, o dirile maswao a ohle le matete. Eupša o tshepišitšwe, “Bjalo ka ge go bile nako yela, go tla ba bjalo gape.” “Go tla ba Seetsa nakong ya mantšiboa.” Jesu Kriste, wa go swana; Morwa wa go swana o tla tšwelela gape go lefelotiragalo, ka Kerekeng ya Gagwe, gomme o tla dira selo sa go swana seo A se dirilego nako yela, go bontšha gore Yena ke Lentšu le dirilwe go bonagala. Le a bona? Go tsebeng sephiri se se lego ka pelong, go utolla le go dira dilo tše A swanetšego go di dira. Leo ke tlwa Lentšu la Modimo.

²¹³ Re ba thari. Kafao a re inamišeng dihlogo tša rena, feela nakwana, ge re lebelela go Yena le go Mo kgopela go tiišetša Lentšu la Gagwe.

²¹⁴ Tate wa Legodimong, nako e ka se dumelele; diiri ka morago ga diiri, re ka kgona go dula, re bolela, feela go tloga go Genesi go ya go Kutollo, ye ke iri. O Morena, ketelo ya rena ya mathomo fa le seholpha se sekaone se sa batho fa mo lebopong, leo, re a tseba gore letšatši le lengwe le tla ya ka tlase ga lewatlekgolo, gomme go ka se be letlapa le tlogetšwego godimo ga le lengwe. Go tla ba . . . Oo, a nako e letšego pele!

²¹⁵ A nke, Morena, ka go iri ye ge re efa bohlatse, a nke Moya wo Mokgethwa wo mogolo o tle bjale. Gomme mantšu a ao ke a boletšego, a nke A a thekge, ka go a tiišetša. O netefatša go batheeletši ba gore O a swana maabane, lehono, le go ya go ile.

Mo... Le go phethagatša Lengwalo leo. Re a tseba ga O... O be o ka se swanele go e dira, Morena, go netefatša gore O be o le Modimo. Eupša ge re bala ka go Puku ya Mokgethwa Mateo, e ka ba tema ya 12, O be a se a swanelo go fodiša, go bontšha O be a le Modimo. Eupša O dirile, gore go ke go phethagatšwe. O swanetše go boloka Lentšu la Gagwe, gomme O rata go e dira. Gomme O tla e dira, gobane Yena ke Modimo. Gomme ke a rapela, bosegong bjo, bjale, gore O tla boloka Lentšu le gape, leo le tshepišeditšwego iri ye. A nke bohole baena ba ka, le nnamong yohle, le batho bohole bao ba lego fa, le dikgaetšedi tša rena, sehlopha se sa go ratega sa batho, re bone Bogona bja Gago magareng ga rena bjale. Re e kgopela ka Leina la Jesu. Amene.

²¹⁶ Bjale, re ba thari nthatana gannyane, kafao re tla no bitša... Ee, ka kgonthe re thari. Re ya go ba e ka ba metsotso ye lesome gape, goba lesometlhano. A re nong go bitša ba se kae ka mothalong wa thapelo.

²¹⁷ Dikarata tša thapelo, a le ba file A? Ya, diA. A, nomoro tee, a re hwetšeng e tee go... Ke mang a nago le karata ya thapelo A, nomoro tee? Phagamišetša seatla sa gago godimo. Ge o ka kgona go sepela... Ke karata ye nnyane, e na le nomoro godimo ga yona. A, nomoro tee, phagamišetša seatla sa gago godimo. Le ra gore ga e ka batheeletšing?

²¹⁸ Gabotse, o swanetše go be o phošitše. Karata ya thapelo A, tee? [Yo mongwe o re, “Thwi fa, Ngwanešu Branham.”—Mor.] Gabotse, oo, ke yona? Go lokile. A, pedi?

²¹⁹ Etla thwi godimo fa, ge o rata, mohumagadi. Dira tsela ya gago thwi godimo fa. Gabotse, a re boneng, a o kgona go fihla go kgabola fale? Ke a e belaela. Oo, ya, yohle e kgabotše molete fale. Go lokile.

²²⁰ A, nomoro pedi, ke mang a nago yeo? Tharo? Phagamišetša seatla sa gago godimo. Ge o sa kgone go tla bjale... Ke ka baka leo re ba bitšago, ka o tee ka o tee, re swanetše go ba rwalela ka mo. Tharo? Nne, ke mang a nago nne? Tlhano? Tlase fa. Mohumagadi, etla godimo.

²²¹ Tshela, karata ya thapelo nomoro tshela. A yo ke mohumagadi a tsogelago godimo mo, a apere ye nnyane, paki ye tšhweu? O na le tshela? Šupa? Dinako tše dingwe ke difowa, ga ba kgone go kwa. Dinako tše dingwe ga ba kgone go sepela. Šupa. Seswai. Ga se ke bone seswai e emelela. A o ka phagamiša seatla sa gago? Go lokile. Senyane. Lesome. Go lokile.

²²² A re nong go leta fao motsotso feela, ka baka la gore re ba thari bjale. A re boneng ba motsotso feela. E nong go swara dikarata tša lena. Re tla le bitša, ka o tee ka o tee, le a bona, eupša e nong go dula ka mothalong.

²²³ Bjale, ke ba bakae ka fa ba se nago karata ya thapelo? Phagamišetša seatla sa gago godimo, o re, “Ke a babja. Ga ke na le karata ya thapelo.” Phagamišetša seatla sa gago godimo,

feela godimodimo gore ke kgone go se bona. Ke a thanka ke gohle tikologong. Bjale, lebelelang. Ke nyaka go bolela le lena nakwana feela ge ba lokologana.

²²⁴ Go be go le mosadi, re re, ka Beibeleng, o be a se na le karata ya thapelo, le yena. Gomme, eupša o be a na le tumelo. Gomme kafao o—o rile, “Ge nka kgona go kgwatha kobo ya Gagwe, ke tla fola.” Ke ba bakae ba tsebago kanegelo? Kgonthe. Gomme ge a kgwathile kobo ya Gagwe, O retologile go dikologa gomme o rile, “Ke mang a Nkgwathilego?”

²²⁵ Gabotse, Petro o naganne seo se kwagetše mohuta wa go swana le taba ya monagano. O rile, “Gobaneng, yo mongwe le yo mongwe o a Go kgwatha. O re ke mang a Go ‘kgwathilego’? Gobaneng, ba ka se nagane gabotse kudu ka Wena, ge O . . .”

²²⁶ O rile, “Eupša Ke a bona gore ke fokotše.” Bokwala bo tlogile go Yena. Gomme O retologile le go lebelela godimo ga batheeletsi ba Gagwe go fihla A hweditše mosadi yola. Gomme O boletše go yena, gore, taba ya gagwe ya madi, tumelo ya gagwe e mo fodišitše. Ke ba bakae ba tsebago seo go ba therešo?

²²⁷ Bjale, a ke sa tšo fetša go re, “O a swana maabane, lehono, le go ya go ile”? A Beibele e a bolela, gore, “Yena ke Moprista yo Mogolo yo a kgonago go kgwathwa ke dikwi tša mefokolo ya rena”? A yeo ke nnete? Gona O tla dira bjang lehono? O tla dira go swana le ge A dirile maabane. A yeo ke nnete? Bjale, elelwang, le ka no kgona go Mo kgwatha. Le a bona? Mangwalo ga a kgone go aketša. Le a bona?

²²⁸ Bjale, selo se nnoši seo se sego fa ke mmele wa Gagwe wo o bonalago. Eupša wena . . . Yena ke Morara, gomme wena o lekala. Le a bona? Yeo ke . . . Lena le lekala. Ke lena le dirago.

²²⁹ Lena le nna re dira mmogo. Bjale, ga go kgathale O tla ntlotša gakaakang, O swanetše go le tlotša, le lena. Le a bona? Gobane, e swanetše go ba—e swanetše go ba bobedi nekethifi le phosithifi, go dira seetša. Kafao, bjale, le—le swanetše go e dumela, le lena.

²³⁰ Bjale, lena ba le se nago karata ya thapelo, le no lebelela godimo ka tsela ye gomme la re, “Morena Jesu, monna yola ga a ntsebe. Go ne selo se tee sa kgonthe, ga a ntsebe. Eupša ke tlaišega ka se sengwe, gomme—gomme a nke a retologe go dikologa le go mpotša ka sona, boka Jesu a dirile kua. Gomme ke a tseba ga a ntsebe, kafao e swanetše go ba Wena, kafao gona ke—ke—ke tla e dumela.” A o ka kgona go dira seo? A o tla dumela seo? Go lokile. Go lokile. O no rapela bjale.

²³¹ Ke tla tšea se. Go lebega o ka re mogala wo o bontši . . . O lokile. O be o le mohuta wa go phela gannyane kudu go feta o kile.

²³² Bjale, baena, ye ke Ebangedi ye le e rerago. Le a bona? Gomme le nthapedišeng.

²³³ Bjale, bjale yo mongwe le yo mongwe feela ka tlhomphokgolo ka mo o kgonago, le go lebelela ka tsela ye. Gomme o dumela ka pelo ya gago yohle. E no dumela, se sengwe le se sengwe . . . e no—e no ba se sengwe le se sengwe se lego ka go wena. O a dumela. Gomme o se belaele. O se belaele, nthatana.

²³⁴ Bjale, bjale mohumagadi šo o eme fa. Ke a nagana re . . . Yena le nna re basetsebane seng sa rena. Ga ke mo tsebe. Gomme . . . [Kgaetšedi o re, “Nkile pele ga fao.”—Mor.] O kile wa mpona? [“Nkile pele, ka Clearwater.”] Kae? [“Clearwater, ke a dumela e be e le.”] Clearwater? Ke kgale bokaakang seo se bile? [“Goba, St. Petersburg, e tee.”] Ya. St. Petersburg. Ya. Ke bile ka—ka St. Petersburg. [“Ee.”] E bile mengwaga ye mmalwa ya go feta. [“Ee.”] Gabotse, bjale, ka kgonagalo go duleng ntłe ka go batheeletši, goba se sengwe boka seo. [“Ee.”] Yeo ke . . . Nka se go tsebe, o a tseba, goba ga ke tsebe selo ka wena.

²³⁵ Kafao bjale, fa go boleleng le wena, go tla no ba boka Morena wa rena, le mosadi yola ba kopane, mo sedibeng, nako yela, o a bona. Gomme—gomme O boletše le yena nakwana feela, go hwetša moo bothata bja gagwe bo bego bo le gona. Gomme O bo hweditše, gobane, le a bona, o—o be a le motho gomme o bile le bophelo, moya. Gomme O be a le Modimo, gomme O bile le Moya wa Modimo, o be o le ka go Yena. Gomme go be go le se sengwe sa phošo ka mosadi yola, gomme Tate o Mmontšhitše se seo se bego se le.

²³⁶ Le a tseba, O rile, ga se A dira selo go fihla Tate a Mmontšhitše, pele. Le a tseba, yoo ke Mokgethwa Johane 5:19. A ke nnete, ngwanešu? O rile, “Ke . . .” E sego—e sego se A se bonego . . . O ile a swanelo go se bona, pele. Jesu ga se a ke a dira selo se tee go fihla A bone pono pele. Ke ba bakae ba tsebago yeo ke therešo? Mokgethwa Johane 5:19. “Ga ke dire selo go fihla Tate . . . Ke bona Tate a se dira pele.” Le a bona? Bjale, ge A . . .

²³⁷ Bjale, nnete, ga se nna Yena, gomme ga se wena yena. Eupša e sa le Modimo wa go swana. O a bona? Gomme re fa, re kopana bakeng sa morero.

²³⁸ Bjale, mosadi yo fa, bjalo ka ge le ka kwešiša, ga re tsebane seng. Mengwaga ye mmalwa ya go feta, o be a dutše ntłe ka batheeletsing, boka le le bošegong bjo, ge ke be ke le ka St. Petersburg, o boletše, ka kopanong. Ga ke na le tsela . . . Ke mosetsebje wa go felela go nna, ga ke tsebe selo ka yena, gomme Tate wa Legodimong o tseba seo. Eupša bjale o fa bakeng sa taba ye nngwe. A ka no ba bakeng sa yo mongwe gape, bothata bja mašeleng, bothata bja selapa. A ka no ba a babja, yenamong. Ke—ke . . . E ka no ba a emetše yo mongwe gape. Ga ke tsebe o mo bakeng sa eng. Le a bona? O no ba mosadi.

²³⁹ Bjale go ka reng ge a be a babja, gomme ke tla ba boka ngwanešu wa rena wa go hlomphega, Ngwanešu Oral Roberts, le go bea diatla godimo ga gagwe, ka re, “Morena a go fodiše le

go go dira o fole,” gomme o ya go dumela seo. Seo se lokile. Seo e no ba . . . Leo ke Lengwalo. Gomme ge o le dumetše, o tla fola. Le a bona? Eupša, le a bona, bjoo ke bodiredi bja Ngwanešu Roberts; bjoo ga se bja ka. Le a bona?

Bjale bjo e ka enkeleng ye nngwe, ye tee godimo fa mo nakong ya bofelo.

²⁴⁰ Bjale Jesu e be e le eng? Wa go swana maabane, lehono, le go ya go ile. Bjale ge A ka be a eme fa a apere sutu ye yeo ke e aperego, yeo A mphilego, bjale, ge mosadi a babja, a O be a ka mo fodiša? Itote bjale. Itote. Aowa. O be a ka se kgone go e dira. O šetše a e dirile. Le a bona? Le a bona? “O gobaditšwe ka baka la dikarogo tša rena; ka megogoma ya Gagwe re fodišitšwe.” O šetše a e dirile. Selo se nnoši A ka kgonago go se dira ke go no itsebagatša Yenamong go yena, a yeo ke nnete, le go e dira go tsebja gore O tsogile go tšwa bahung, gomme o a phela. Gomme bjale, seo, O tla itsebagatša Yenamong. Gomme tsela e nnoši A ka kgonago go e dira, e tla ba boka A bile nako yela. O be a tla ba Moprefeta. A yeo ke nnete?

²⁴¹ Bjale, nna, e be e ka se be nna, gobane ga—ga ke tsebe selo ka yona, kafao seo se nntšheditše ntle. Eupsa e swanetše go ba Yena. Kafao ge re le lekala gomme Yena ke Morara, O romela Moya wa Gagwe ka go nna, go ntira ke tsebe se sengwe ka wena, goba se sengwe seo o se nyakago, seo o bilego, seo o lego, goba seo o tla bago, goba se sengwe gape. O tla tseba ge eba ke Therešo goba aowa, ge e šetše e diregile. Kafao seo se swanetše go le dira ka kgonthel bone gore O a phela le rena lehono. Le a bona?

²⁴² A seo se tla le dira le dumele, ge A ka e dira? Bjale phagamišang diatla tša lena, ke nyaka go tseba, kafao le tshepiša Modimo, “E tla ntira ke dumele.” Le a bona? Gore Yena ke, Yena . . . Le a bona?

²⁴³ Bjale, ke be ke bolela ka Yena go beng wa go swana maabane, lehono, go ya go ile. Bjale, a ke Yena, a O a phela? Seo ke selo. A O mo? Re goeleditše, le go ikwela Sengwe.

²⁴⁴ Go no swana le ge monna a se a ke a ba le pono, gomme a sepelela ka ntle gomme a ikwela letšatši, o be a ka se tsebe gore e be e le eng. E be e le se sengwe se borutho. Eupša ge a be a ka kgonago bona, o be a tla bona se le bego le le sona, o be a tla re leo ke letšatši. “Letšatši ke eng?” Go monna yo mongwe, ga se a ke a bona, mohlomongwe, se, ga go yo motee a kilego a ba le sekwi sa pono pele.

²⁴⁵ Bjale, bjo ke tlhaologanyo. Gomme selo se o bego o se tumiša le go hlalala ka sona, mo Se iponagatša ka Bosona gomme o bona se Se lego sona. Le a bona? Bjale Lona šele, le Beibele ye e robetšego mo, le sehlopha se sekaone se sa banešu mo le gohle go dikologa.

²⁴⁶ Bobedi bja rena basetsebane. Bjale a nke Morena Jesu a utolle. Bjale, go fodiša, goba go mo fa se a se nyakago . . . Ge e

be e le tšelete, e be e swanetše go ba fase gabotse, gobane ga ke ne bontši kudu; eupša ke be ke tla e dira; ke be ke tla dira bokaonekaone nka kgonago. Eupša—eupša, bjale, go fodiša, nka se kgone go e dira. Le a bona? E swanetše go tšwa go Yena. Eupša, bjale, ge A ka mpotša se sengwe ka wena; gomme o a tseba ga ke tsebe selo. Gomme ge A ka mpotša se sengwe ka wena, se tla oketša tumelo ya gago, a se ka se ke, go go dira gore o dumele gore O mo? [Kgaetšedi o re, “Ee. Ee.”—Mor.] Bjale, a nke A e dire.

²⁴⁷ Leineng la Jesu Kriste, ke tšeela moya wo mongwe le wo mongwe ka mo, ka tlase ga taolo ya ka bjale, go fa bohlatse go Lentšu le la Modimo. Ke no . . .

²⁴⁸ Rapelang bjale. Le a bona? O re, “O be o letetše eng, Ngwanešu Branham?” Ke ba bakae ba kilego ba bona seswantšho sa Seetša sela? Seo ke se A . . . Sese Sona, thwi fa bjale. Se thwi fa bjale. Bjale a ka se kgone go ikuta yenamong, ge a ka kgonon go leka. A ka se kgone go e dira bjale. Ke motho yo mokaone. Ga a na le selo go tshwenyega ka sona. O na le letsvalo gore se sengwe se a kgatlampana, le yena.

²⁴⁹ Eupša, se mosadi a se nyakago, o na le seemo sa go golofala seo se tlogo godimo ga gagwe, atheraithisi ye e tlogo godimo ga mosadi. Yeo ke nnete. Yeo ke yona. Le a bona? [Kgaetšedi o re, “Yeo ke nnete.”—Mor.] Ya. Phagamiša seatla sa gago ge seo e le therešo, ge e le atheraithise. Bjale o a ntumela, nka go botša moo atheraithisi e go gobatšago gampe? [“Ee.”] E ka marapong a gago. Yeo ke nnete. Gomme o na le se sengwe gape sa phošo ka wena. O a dumela Modimo a ka kgonon go bolela gore seo ke eng? O na le sešo. Ee, mohlomphegi. Seo ke therešo. Emišetša seatla sa gago godimo. A o a dumela gore Modimo a ka kgonon go mpotša fao se lego gona? [“Ee.”] Se godimo ga letswele. [“Ee.”] Yeo ke nnete. Šišinya seatla sa gago ka mokgwa *wo*. Bjale, le a bona, O a swana maabane, lehono, le go ya go ile. Bjale o dumela ka pelo ya gago yohle? [“Ee.”] Eya pele, gomme se ka se sa go tshwenyga gape, gona. E no sepela, dumela ka pelo ya gago yohle. Seo e no ba sohle o swanetšego go se dira. O a bona? Sepela gomme o dumele. O a bona?

²⁵⁰ Bjale, seo, le a bona, ga ke tsebe mosadi. Bjale, le a tseba ke bottelele gakaakang ke boletšego le lena, bokaonana go feta metsotsa ye masomenne tlhano. Ke a fokola gonabjale, go šwa go seo, go feta ke be ke bolela gohle. Le a bona?

²⁵¹ Bjale mohumagadi šo. Re basetsebane seng sa rena, ke a nagana. Ga re tsebane seng, eupša Modimo o a re tseba bobedi. Bjale, ge Jesu a ka mpotša se sengwe ka wena, se o tsebago ga ke se tsebe, a seo se tla go thuša go ba le tumelo ka go se o yago go se kgopela? [Kgaetšedi o re, “Ee, mohlomphegi.”—Mor.] A go tla thuša batheeletši bjale? Le a bona?

²⁵² Bjale, elelwang, O tshepiša tiragalo e dutše tlwa ka Sodoma. Le bona Sodoma; le bona Billy Graham, se sengwe le se sengwe,

feela ka tsela. Bjale šetšang sehlopha sa Abraham godimo fa, le a bona, pe—pe Peu ya bogoši ya Abraham. “Go beng go hwa ka go Kriste, re Peu ya Abraham.” Yeo ke nnete, baena. Bohle re . . .

²⁵³ Ke sešo. Yeo ke nnete. Karo ga e hole. Gomme o nyaka . . . O na le bothata ka sona, nako yohle. A o a dumela se ya go go tlogela bjale? [Kgaetšedi o re, “Amene.”—Mor.] Go lokile. Modimo a go šegofatše. Bjalo ka ge o e dumetše, go tla ba bjalo go wena. Go lokile. Nno ba le tumelo bjale. Se belaele, o a bona. Eba le tumelo, mohumagadi. Go lokile. Wa go latela . . . Šele e a ya. Le a bona?

²⁵⁴ Bjale o a tla. O molwetsi wa go latela. Bjale, re basetsebane, yo motee go yo mongwe. [Kgaetšedi o re, “Ee.”—Mor.] Ga re tsebane . . . Ga se ka ke ka go bona pele. O no ba . . . [“Ga se ka ke ka go bona ka bophelong bja ka.”] Ga se nke wa ke wa mpona bophelong bja gago, gomme ga se nke ka ke ka go bona bophelong bja ka. Re no ba batho ba babedi bao ba kopanego.

²⁵⁵ Bjale ke eng se? Ke mpho. Le a bona? Mpho ga se se sengwe boka phata goba tšoša, o segago ka yona le dilo. Mpho ke—ke tsela ya go itloša tseleng wenamong. Le a bona? O no . . . Ke swanetše go itloša tseleng nnamong, morago Moya wo Mokgethwa o tsee taolo. Le a bona? Ga se se o se tšeago le go dira se sengwe ka sona. Ke mpho go itloša tseleng wenamong, gona Modimo o a go šomiša. Le a bona? Morago ga ge o itirile wenamong . . . Feel a boka bonnyane . . .

²⁵⁶ O ka se kgone go e hlalosa, ka gobane o ka se kgone go hlalosa Modimo. Re dumela Modimo. Ga re Mo hlalose; re ka se kgone. O tseba Modimo ka tumelo, gomme e sego ka saense, goba ka tsela e ka ba efe ye nngwe. Ga o Mo netefatše ka saense. O no Mo dumela. O ka se kgone go netefatše se lerato le lego sona. O ka se kgone go netefatše se thabo e lego. Tlhamo ka moka ya Modimo, lerato, thabo, khutšo, pelofalo, boleta, kgotlelelo, tšeо tšohle ke tša kagodimogathago. Le a bona? O ka se kgone go e netefatše, eupša o a tseba o nayo. Le a bona? Yeo ke yona, kafao o a e tseba wenamong.

²⁵⁷ Mohumagadi o tapile kudu. O—o na le se sengwe sa phošo ka molomo wa gagwe, ka gare ga molomo wa gagwe. Yeo ke nnete. Ge seo e le nnete, phagamiša seatla sa gago. [Kgaetšedi o re, “Yeo ke nnete.”—Mor.] Gomme ke kankere, o a boifa ke yona. Yeo ke nnete.

Bjale o re, “O thankile seo.”

²⁵⁸ Ke be ke sa e thanke, le nna. [Kgaetšedi o re, “Aowa.”—Mor.] Ga o thanke dilo tšeо. Lebelela, lebelela fa gape. O motho yo mokaone kudu. Se sengwe se diregile go wena nako yeo. Eupša ke no . . . Fa, o bile le kotsi ya koloi, gape. A ga se o? [“Yeo ke nnete.”] Ge seo e le nnete, emišetše seatla sa gago godimo. Seo, le a bona bjale, ke—ke be nka se tsebe seo. [“Aowa.”] Go lokile, gona, eya pele tseleng ya gago, o hlalala. E no dumela Modimo. Amene. E dumele.

Etla bjale. O a dumela.

²⁵⁹ O a dumela? Bjale, lena ntle fao, e nong go thoma go dumela ka pelo ya lena yohle. Le se ke la kamaka, eupša dumelang lentšu le lengwe le le lengwe go ba therešo. Le a bona, yoo ke Yena. Yoo ke Morena wa lena. O thwi magareng ga lena. A le dumela seo, ntle fao?

²⁶⁰ Bjale, re basetsebane, yo motee go yo mongwe, ke a nagana. Ga ke go tsebe, gomme ga o ntsebe. Gabotse, seo se lokile. Bjale seo se e dira bjalo gore... Ga se nke ka ke ka ba fa pele, le a tseba. Re no ba fa ka go toropokgolo. Gomme—gomme o a hloka, goba e ka ba eng e lego. O a dumela Modimo a ka mpotša tlhoko ya gago—ya gago, goba e ka ba eng e lego? O tla ntumela. Ga se bakeng sa gagomong. Ke bakeng sa yo mongwe gape. Yeo ke nnete. Yoo ke setlogolo. Gomme setlogolo seo se mohuta wa go šeserekana. Seo ke tlwa. Se ka lefelong le lengwe. Ga se gona fa. Se sengwe boka New Mexico. Goba ye nngwe... Ke ka New Mexico. Fao ke mo se lego. Sepela, dumela bjale, ka pelo ya gago yohle.

²⁶¹ Re basetsebane, yo motee go yo mongwe. Rena, lekga la rena la mathomo re kopana. Eupša... Go lokile.

²⁶² Monna a dutšego thwi fale, selo se, o eya ka mokgwa *wo*, o lebeletše, o tlaišega ka bothata bja mogodu, mohlomphegi. Yeo ke nnete. O be o dutše fale o makala ka fao seo se kilego sa dirwa. A yeo e be e se nnete? Gomme o nagana ka mogodu wa gago mong. Ge seo e le nnete, phagamiša seatla sa gago. Ga ke tsebe monna, ga se ka ke ka mmona ka bophelong bja ka. Go lokile. O na le mokgwa wo o nyakago go o tlogela, go kgoga. O nyaka go tlogela go kgoga gola? Seo ke se se hlolago mogodu wa gago, ge o kgoga disekerete; nikotine e ya fase, e fošetša mogodu wa gago ka go tšašarakano. Ga se ka ke ka bona monna ka bophelong bja ka, gomme šole yena. Bjale emeleta, ge yeo e le therešo, mohlomphegi. Ke lahla disekerete go tloga go wena. Leineng la Jesu Kriste, eya gomme o dirwe go fola. Bjale, ga se ka ke ka mmona ka bophelong bja ka. O kgwathile eng? O kgwathile Mong.

²⁶³ Gale, mohumagadi a dutšego kgauswi le wena fale, wa go ratega, o na le bothata bja mogodu, le yena. Yeo ke nnete. O nyaka go fenya bothata bja gago bja mogodu, mohumagadi? Le a bona, Moya, ke letšatši la mafelelo. A ga le bone Seetša sela se lekeletše thwi go dikologa, hleng le bona? Yeo ke nnete. Go lokile. Yeo ke nnete. Bjale o a sepela, dumela, go tšhoga ga gago go tla go tlogela. Gomme seo ke se se hlotšego bothata bja mogodu wa gago. Yeo ke nnete. O dumela ka pelo ya gago yohle bjale. Go lokile.

²⁶⁴ Gale, go na le mohumagadi yo mongwe a dutšego fale, kgauswi le wena, o na le aletši. Ge seo e le therešo, ema, mohumagadi. Seo ke therešo. Emeleta ka maoto a gago gomme

o e amogelete. Gomme, go lokile, o a dumela gore Modimo o tla e tloša go wena? Gona o ka ba le se o se kgopelago.

²⁶⁵ Bjale, ga se ka ke ka ba bona ka bophelong bja ka. Gomme seo ke tlwa e lego sona. Ba kgwathile eng? Ba kgwathile momo Moprista yo Mogolo yo a kgonago go kgwathwa ke dikwi tša mefokolo ya bona. E ka ba mang wa lena ntle fale, le dumela selo sa go swana. Nno dumelang.

²⁶⁶ O dutše fale, monna o nyaka kolobetšo ya Moya wo Mokgethwa. O tsoma mošomo, le yena. A o a dumela gore Modimo o tla go fa Moya wo Mokgethwa, le go go fa mošomo? Bjale phagamišetša seatla sa gago godimo; thwi fa, o dutšego fale o apere hempe ye tšhweu. Go lokile. Ga se nke ka ke ka mmona bophelong bja ka, eupša ke tlwa se a bego a se nagana. Ge seo e le therešo, šišinya seatla sa gago ka mokgwa *wo*.

²⁶⁷ Bjale a ga le bone? Lentšu la Modimo le hlatha dikgopolole maikaelelo a pelo. “Jesu Kriste wa go swana maabane, lehono, le go ya go ile.” Yoo ke Yena ntle fale. Le a tseba e ka se be nna. Ga ke ntle fale. Ke dijarata tše masomepedi go tloga go yena. Eupša o kgwathile Moprista yo Mogolo. Oo, kgopolole ya Kriste go beng gona, mogwera, a o ka e kwešiša?

²⁶⁸ Ntshwarele, mohumagadi. Ke no swanelo go latela, o a tseba, go goga mo go bjalo ga tumelo. E thomile ntle kua, bjale go tla ba bothata go e thibela, le a bona. Go lokile. O modumedi. Gomme o dumela gore karo yeo o lego kgaušwi le go ba le yona, a o a dumela gore Modimo a ka tloša seo go wena pele o ka ba le karo? O a e dumela, le wena? Gomme o a dumela bjale gore, ya, o na le morwedi yola yo a nago le mohuta wa letadi, goba se sengwe boka seo, dumela gore Modimo o tla mo fodiša go letadi lela la bjang? A o dumela seo? Go lokile. Bjale eya o bee diatla tša gago godimo ga gagwe, gomme o dumele ka pelo ya gago yohle, gomme Modimo o tla mo fodiša. Eba le tumelo.

²⁶⁹ O nyaka go ja selalelo sa gago? [Kgaetšedi o re, “Ee.”—Mor.] Dumela mogodu wa gago o tla loka? [“Ee.”] Go lokile, gona eya o je. Morena Jesu o fa. Go lokile.

²⁷⁰ Etsa, tliša mohumagadi. Eba le tumelo. O se belaele. Etsa, mohumagadi. A o a dumela gore Modimo a ka kgona go fodiša bolwetši bjoo bja swikiri, a go dira o fole? [Kgaetšedi o re, “Ee, ngwanešu.”—Mor.] Ka pelo ya gago yohle, o a e dumela? [“Amene.”] Go lokile, gona eya pele tseleng ya gago, hlalala gomme o re, “Ke a Go leboga, Morena Jesu,” ka pelo ya gago yohle.

²⁷¹ Modimo a ka kgona go fodiša bothata bja mokokotlo wa gago, a go dira o fole. A o dumela seo? [Kgaetšedi o re, “Nnete ke a dira.”—Mor.] Go lokile, nno ya pele tseleng ya gago, o re, “Ke a Go leboga, Morena Jesu, ka pelo yohle.” O swanetše go dumela.

²⁷² Etsa, mohumagadi. O yo moswa. Eupša, o hwa ga bonolo, ka bothata bja pelo. Eupša o a dumela gore Modimo a ka kgona go

fodiša pelo ya gago? Gona eya pele tseleng ya gago, o hlalala, o re, "Ke a Go leboga, Morena Jesu." Gomme dumela ka pelo ya gago yohle. Go lokile.

²⁷³ Etsla, mohlomphegi. O tšhogile, go go fa alsya mala ka mogodung wa gago. Sepela, eja selalelo sa gago. Jesu Kriste o go dira o fole. Dumela ka pelo ya gago yohle. A o a e dumela?

²⁷⁴ A o a dumela gore Modimo a ka kgona go fodiša asma yeo? O dutšego ntle kua, o ntebeletše, a rwelego digalase; ye nnyane, roko ya magwadigwadi. Mohumagadi, o a dumela, o dutšego mafelelong fao? O a dumela gore Modimo o tla hlokomela asma? Phagamišetša seatla sa gago godimo ge o e dumela. Go lokile. O tla go fodiša.

²⁷⁵ O nagana eng ka seo, o dutše thwi ka morago ga gagwe, morena? O a dumela o ka kgona go efoga karo yela ya sešo? O dumela gore Modimo o tla tšeas sešo seo gomme a go fodiša, a go fodiša sešo? A o dumela seo? Go lokile, mohlomphegi, o ka ba le ya gago, le wena. Le a bona? Go lokile. Ge o ka no ba le tumelo, gomme wa se belaele, Modimo ka kgontheo tla e dira. Amene.

²⁷⁶ Ke ba bakae ba dumelago ntle fale, ka pelo ya lena yohle bjale, gore O a swana maabane, lehono, le go ya go ile? A le a dumela gore yoo ke Jesu yo a tsogilego? Bjale, e ka ba mang wa lena o a tseba gore nka se kgone go dira seo. Ga ke tsebe selo ka lena bohole, eupša O a dira.

²⁷⁷ Bjale Beibele gape e bolela se. Ke ba bakae ba lena e lego badumedi? Phagamiša seatla sa gago. Bjale, Jesu o rile, Mantsu a Gagwe a mafelelo go Kereke, ge A be a tloga, "Eyang lena ka lefaseng lohle, gomme le rere Ebangedi go sebopiwa se sengwe le se sengwe. Yo a dumelago gomme a kolobetšwa o tla phološwa; yo a sa dumelego o tla lahlwa. Maswao a a tla latela bona ba ba dumelago: ge ba bea diatla tša bona godimo ga balwetši, ba tla welwa ke maruru." A le dumela seo?

²⁷⁸ Bjale a le ka ntirela se sengwe gona? Bjale beanang diatla tša lena go lena seng. O se ke wa no dira selo eupša e no bea seatla sa gago godimo ga yo mongwe a dutšego kgauswi le wena, feela go dikologa ka mokgwa woo. Yeo ke yona. Nno kgwathanang seatla seng. Go lokile.

²⁷⁹ Ke nyaka go le botšiša potšišo. Ke nyaka le ntebelele. Elelwang, ntle le go šišinyega bjalo ka ge Lengwalo le bolela se, Abraham ga se a ke a bona leswao le letee gape go fihla morwa a tlide go ba gona. Leo ke leswao la mafelelo Abraham a le bonego. Ka mehla go na le leswao. A ke le botšeng, Kereke, ye tee ya lena ya mafelelo še. Go bonagala ga Morwa go tla ba ka pela gabotse. "Mo iring ge o sa nagane, E tla ubulwa." Batho ba ya thwi ba rera, ba nagana gore ba a phološwa, le se sengwe le se sengwe. O tla ba... . Feel a boka go bile ka go tleng ga Johane, bohole, ba ya pele thwi, ba fetile nako. Go thari go feta re nagana.

Bjale le na le diatla tša lena yo motee godimo ga yo mongwe.

²⁸⁰ Gomme le bone se sengwe seo Jesu a se tshepišitšego mo matšatšing a a mafelelo, O tla se dira, gomme Yena šo o retologile thwi go dikologa le go dira tlwa se A se boletšego.

²⁸¹ Bjale, o re o modumedi. Ke dumela seo. Bjale, o na le diatla tša gago di beilwe godimo ga yo mongwe.

²⁸² Gomme Bogona bja Gagwe bo fa bjale. Bjale, yoo ke Yena. Ke nno bona monna a fodišwa feela nako yeo, feela thwi nako yeo, ka diatla tša gagwe di beilwe godimo ga yo mongwe gape. Le a bona? E—e no ba se—se E swanetšego go se dira.

²⁸³ Eupša, le a bona, e tla ka go nako ge lebaka la kereke ya Laodikia le kgatlampana. Ge e be e le nakong ya tsošeletšo, e no ba seetša le go ya ka mokgwa *woo*. [Ngwanešu Branham o thwantšha menwana ya gagwe—Mor.] Eupša, le a bona, e tlide ge A be a ragelwa ka ntle ga kereke. Elelwang, letšatši le lengwe, ge tšhišinyego ya lefase yela? Le elelwa lebaka la kereke ya Laodikia? O ka ntle ga kereke, a kokota, a leka go tsena morago ka gare. Le a bona? Fao ke mo e tšwago, le a bona. O leka go ya morago. O nyaka go itsebagatša Yenamong go wena, bakeng sa thapelo ya gago—ya gago.

²⁸⁴ Bjale, o se ke wa ithapelela wenamong. O rapelela yo motee yo o nago le diatla tša gago godimo ga gagwe, ka baka la gore ba a go rapelela. Le a bona? Gomme, gona, o dumela ka pelo ya gago yohle. E no rapela ka tsela ye o dirago ka kerekeng ya gago. Ge o rapela kudu, rapela kudu; o rapela go wenamong, rapela go wenamong. Tsela efe kapa efe o e dirago ka kerekeng ya gago, o a rapela.

²⁸⁵ Gomme e re, “Morena Jesu, ke na le nneta gore ke ka Bogoneng bja Gago bjale. Morena Jesu yo mogolo yo a tsogilego go tšwa bahung gomme o itsebagaditše ka Boyena thwi mo ka otithoriamong ye tlasetlase fa, gomme, nna, kgauswi, goba Tampa, Florida. Ke tlasetlase fa, gomme fa O ka go otithoriamoye, bošegong bjo. Gomme ka Moya wo O bilego le wona godimo ga Gago ge O be o le mo, O O rometše morago magareng ga rena. Gomme re bone tumelo ya rena beng, goba Ngwanešu Branham ka tumelo, ka mpho e mo hlanketšego, yeo a tswetšwego ka yona. Gomme mo o bile le tumelo, go ema kua le go itahlela yenamong kgole go tloga go se sengwe le se sengwe, a sa tsebe le yo motee wa rena. Gomme O tlide ka gare le go šomiša mpho, gobane o nno iketla yenamong. Gomme Wena, o . . . O e šomišitše. Mo go be go le batho godimo kua sefaleng, ntle mo ka batheeletšing, basetsebje ba go felela, gomme E bonagaditše Lentšu. Lentšu la Modimo le a bonagatšwa, go tseba gore Yena ke Lentšu, yo a swanago maabane, lehonon, le go ya go ile. Ke Wena yo! Gomme ke nna modumedi ka go Wena. Gomme ke na le diatla tša ka godimo ga yo mongwe, gomme ba na le diatla tša bona godimo ga ka. Bjale, Bogona bjo bogolo bja Kriste, fodiša motho yo.”

²⁸⁶ Gomme ke ya go le rapelela bohle ba lena. Bjale le rapelelanel seng sa lena, ge ke le rapelela bohle. Gomme le tla fodišwa, yo mongwe le yo mongwe wa lena, thwi bjale, yo mongwe le yo mongwe yo a tla e dumelago.

²⁸⁷ Tate wa Legodimong, bjalo ka sehlopha se sa batho mo, bošegong bjo, gomme re, re a Go leboga bakeng sa Bogona bja Gago, Morena. Seo se netefatša go rena gore bodumedi bja rena bja Bokriste bo a rereša. Bodumedi bja Mohammed, bja Buddha, le bona bohle, ba hwile le ka lebitleng. Eupša re na le lebitla la go se be le selo, le Kriste wa go phela Yo a lego mo le rena, bošegong bjo, a itsebagatša Yenamong ka go Motho wa Moya wo Mokgethwa, a sepela ka rena le go bontšha gore Yena ke Lentšu la iri ye. Yena ke Lentšu, go dira ditshepišo tše tša iri ye go phela. Gomme ge A ka kgona go dira tshepišo ye e tsebagaditšwego, go itsebagatša Yenamong le yona, ke bontši gakaakang A tla bolokago tshepišo ya Gagwe ya phodišo, yeo re e bonego e dirwa go kgabola mengwaga!

²⁸⁸ Lebelela tšona diatla tša badumedi, Morena, di beilwego mongwe go yo mongwe. Ke neela thapelo ye legatong la bona, Morena, gore yo mongwe le yo mongwe wa bona o tla fodišwa. E fe. A nke maatla a Jesu Kriste a nwelele ka go yo mongwe le yo mongwe wa bona. Gomme a nke tumelo e tle, gore ba kgone... Aowa, a nke ebile ba se tsebe motho yoo ke mang, ba beilego diatla tša bona godimo ga bona. Eupša re a tseba gore O mo, gomme re kgwatha Wena ka tumelo ya rena.

²⁸⁹ Sathane, Leineng la Jesu Kriste, tlogela batheeletši ba. Tšwela ka ntle ga batho ba, gore ba ke ba ye le go lokologa, Leineng la Jesu Kriste. Amene.

Go lokile, ngwanešu.

²⁹⁰ Ke ba bakae ba lena bjale le dumelago ka pelo ya lena yohle gore Jesu Kriste o le dira le fole? Emelela ka maoto a gago, o re, “Ke a dumela.” Go lokile, bjale thapelo ya tumelo e rapetšwe. Semaka. Gabotse. Modimo a go šegofatše. Seo se a e rarolla. Amene.

²⁹¹ Bjale, ke ba bakae, ka diatla tša lena di lekeletše fase ka mokgwa *wo*, ba ba sego ba dumela go Kriste, gomme ga se ba ke ba tsoge ba Mo amogela bjalo ka Mophološi wa lena, gomme le tla rata go no phagamišetša diatla tša lena go Yena? La re, “Ka Bogoneng bja Gago, Morena, Modimo yo a swanago yo ke dumelago o tla nkahlola ka Letšatši la Kahlolo, O fa ka sebopego sa Moya wo Mokgethwa, bjale ke tla Go amogela bjalo ka Mophološi wa ka.” Phagamišetša seatla sa gago godimo, e re, “Ke tla e dira.” Ya. Modimo a go šegofatše. Modimo a go šegofatše. Modimo a go šegofatše, wena, wena. Yo mongwe? Wena. Modimo a go šegofatše. Semaka. Fao, Modimo a go šegofatše. Yo mongwe? “Ke tla phagamišetša diatla tša ka godimo. Bjale ke nyaka go Mo amogela ge A sa le mo, ke ka Bogoneng bja Gagwe.”

²⁹² O ka se tsoge wa ba bokgauswana bjo bo itšego, go fihla o Mmona sefahlego ka sefahlego. Gobane, fa, dimelo tšohle tša Gagwe di tsebagatšwa thwi fa bjale, go fodiša balwetsi, le go tseba sephiri sa pelo. Yena ke Lentšu la iri ye.

²⁹³ A le dumela seo? Emišang diatla tša lena bjale, yo mongwe gape. E ka ba mang gape bjale yo a nyakago go Mo amogela Mophološi, phagamiša diatla tša gago godimodimo bjale, gore re kgone go se bona. Go lokile. Modimo a le šegofatše. Seo se kaone. Ba bangwe, ke a thanka, seswai goba lesome, lesometlhano, ba dirile.

²⁹⁴ Bjale inamišang dihlogo tša lena gonabjale, ge re sa ba rapelela, yo mongwe le yo mongwe. Ge o eme kgauswi le bao ba phagamišitšego diatla tša bona, Mokriste tsoko o bea diatla tša bona godimo ga bona.

Yo mongwe wa badiša etla fa, ge o ka rata, thwi ka pela.

²⁹⁵ Ke ya go ba le yo mongwe wa badiša a neela thapelo bakeng sa lena bjale, bakeng sa tšona disoulo tšeou di sa tšo go phagama.



KRISTE O TSEBAGATŠWA GO SWANA KA GO MELOKO YOHLÉ NST64-0415
(Christ Is Identified The Same In All Generations)

Molaetša wo ka Ngwanešu William Marrion Branham, setlogong o abilwe ka Seisimane ka Laboraro mantšiboa, Aporele 15, 1964, ka McKay Auditorium ka Tampa, Florida, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org